



უოველკვირეული საზოღოდიკო, სამეცნიერო და საღიტ. გასეთი
 № 16 7 სექტემბერი 1908 წ. ფასი 10 კ.

შინაარსი: ლ. ნ. ტოლსტოის იუბილის ბამო.—გზა-ღა-
 გზა (ჩვენი ქვეყნის ავტონომია).—პრესა.—სხვა და სხვა ამბები—
 ჩვენში.—რუსეთში.—ოსმალეთი.—სპარსეთი.—ცას (ლექი) ქუ-
 ჩიშვილისა.—მალალ წრეში, (პიესა) განისა.—
 —შიმშილი სოფლად, ცქვიტისა.—პროვინ-
 ცია: სოხუმი, აკეთი.—ბათუმის ამბები.—თვალსაჩინო სწავლება
 სკოლებში, ვ. ოზრელისა.—დედა, როგორც აღმზრდელი.—წერი-
 ლი რედაქციის მიმართ.—ბანცხადებანი.

რედაქცია ამით აცხადებს,—ვინც

„ჩ ვ ე ნ კ ვ ა ლ ს“

წახული თვეების ნომრებით, ან მხოლოდ პირველი სექ-
 ტემბრიდან გამოიწერს წლის ბოლომდე, მიიღებს
 პრემიას პოპულიარულ სამეცნიერო სტა-
 ტიებისა და მოთხრობათა

პრემიულს


რომელიც დაახლოებით შეიცავს 200 გვერდს.

იმათ, ვისაც ჰსურს

ამიერ-კავკასიაში ჰყიდოს გაზეთები, რომელიც ტფი-
 ლისში გამოდის,

ჩ ვ ე ნ კ ვ ა ლ ს

მიმართონ პირობების გასაგებათ ამ აღრესით: ერევნის
 მოედანი, გურგენოვის სახლი, ნოტარიუს მგებროვის
 კანტორის ზემოთ, ა. ს. ლანგე.



ლევ ნ. ტოლსტოი.

ლ. ნ. ტოლსტოის იუბილეის გამო.

—:—

გასული თვის 28 დიდი დღე იყო რუსეთისათვის. ამ დღეს რუსეთის დიდებულ მწერალს შეუსრულდა 80 წელი დაბადებიდან, რაიც აღფრთოვანებით იდღესასწაულა რუსობამ და მასთან ერთად მთელმა განათლებულმა კაცობრიობამ.

ტოლსტოი კარგად არის ცნობილი მთელს დედამიწის ზურგზე. არ იპოვება არც ერთი თანამედროვე ქვეყანა და არც ერთი საზოგადოებრივი წრე, სადაც გაგონილი მაინც არა ჰქონდეთ ტოლსტოის სახელი. მაგრამ არის ორი ტოლსტოი, ერთია სწორ-უპოვარი, ზესთაბუნებრივი ნიჭის შემოქმედება იშვიათი გენიოსობა, მეორე კი ჩვეულებრივი მომკვდავი, ჩვეულებრივ ქაუ-გონების და ხშირად ჩვეულებრივზე კიდევ უფრო მდარე აზრების მქადაგებელი: ერთია უებრო რეალისტი, რომელსაც საგანგებოდ ესმის ცხოვრების მაჯის ცემა, სიცხადითა აქვს გათვალისწინებული ადამიანის გულის ყოველივე მოძრაობა, სულის ყოველივე, მცირედენი შეფოფინება. ერთი სიტყვით, იგი მისანია ცხოვრებისა და ადამიანის გრძნობა—გონებისა. მეორე ტოლსტოი არის იდეალისტი-უტოპისტი, რომელსაც აღარაფერი ესმის ამ ქვეყნიურ ცხოვრებისა და იმის მოქმედ ადამიანისა, იგი შორდება ცოდვილ დედა-მიწას და ჰაერში იწყებს ნავარდს და აქ აშენებს ჰაეროვან კოშკებს; არის ტოლსტოი რევოლუციონერი და ტოლსტოი რეაქციონერი. და ეს ორი სხვა და სხვა ადამიანი მოთავსებულია ერთსა და იმავე პიროვნებაში, ეს არის ლ. ნ. ტოლსტოი, რომლის ხანგრძლივ მოღვაწეობას ორი მთავარი მიმდინარეობა აქვს: რომანისტი-ბელეტრისტი და მორალისტი-ფილოსოფიური. თქმა არ უნდა, რომ ეს ორი მიმდინარეობა ხშირად ერთმანეთს ერთვის, ერთმანეთში ირევა და იხლავთ. მაგრამ მხატვრულ ნაწარმოებთა მიხედვით ფილოსოფიურ მოძღვრების გათვალისწინება და დაფასება შეუძლებელია ისე, როგორც ფილოსოფიური ნაწერების მიხედვით ტოლსტოის მხატვრული ნიჭი ვერ განიზომება.

როგორც სიტყვის მხატვარი და როგორც რომანისტი ტოლსტოი ყველგან და ყველასაგან დიდებულ მწერლად არის აღიარებული; როგორც მორალისტი-ფილოსოფოსი იგი ცნობილია მხოლოდ ვიწრო წრეებში და მისი მიმდევარნიც თითქმის ჩამოითვლებიან, როგორც რუსეთში, ისე საზღვარ გარეთაც. ეს აგრეც უნდა ყოფილიყო. ტოლსტოის მოძღვრება თანამედროვე მეცნიერების გარეშე სდგას და ამასთანავე იგი სრულიად მოკლებულია პრაქტიკულ მნიშვნელობას. ეს მოძღვრება, თუ გნებავთ, არ არის მოკლებული ერთგვარ სიდიადეს, როგორც მთლიანი სისტემა მსოფლ-მხედველობისა. ეს მოძღვრება გაშუქებულია ადამიანისადმი ღრმა სიყვარულით. მისი ქვა-კუთხედია უსაზღვრო რწმენა ადამიანის ბუნების ძლევა-მოსილებიანადმი. ტოლსტოი ძლიერი გრძნობით და მაღალი აზრით ანთებული მკვე-

თრი სიტყვებით ჰგმობს და შეაჩვენებს ყველა თანამედროვე სახელმწიფოთა არსებულ სოციალ-პოლიტიკურ წყობილებას და მხნეთ მოუწოდებს კაცობრიობას ძაბა-თანასწორობისაკენ. ამ იდეალის განსახორციელებლად კი ტოლსტოი არიგებს თვითმეულ ადამიანს: ზნეობრივად ამაღლდი და განსპეტაკდი, სხვას ნუ უზამ იმას, რაც არ გინდა, რომ სხვამ შენ გიყოს, შეიყვარე მოყვასი შენი, როგორც თავი შენია, და აი მაშინ ყველანი ბედნიერები იქნებიან. სხვა სიტყვებით რომ ვთქვათ, მოძღვარი ასე ეუბნება ადამიანებს: იყავით ბედნიერები თუ გინდათ, რომ ბედნიერები იყოთო, განახორციელეთ იდეალი და იდეალი განხორციელებული იქნებაო. დიდი კითხვა კი სწორედ იმაშია, თუ როგორ, რა გზით, რა საშუალებით შეიძლება ადამიანები იმ დონემდე ამაღლდნენ ზნეობრივად, რომ მათ ხელი აიღონ თავის „მოყვასთან“ ყოველგვარ ჩაგვრა-ექსპლოატაციაზე და მთელი თვისი ბედნიერება ჰპოვონ ერთობა-თანასწორობაში. ტოლსტოის პრაქტიკულ ფილოსოფიის მთავარი დებულებაა „ძალას ნუ იხმარ ბოროტების წინააღმდეგ“ და ბოროტების მოთხოვნებსაც ნუ შეასრულებთო (პასიუური წინააღმდეგობა). მაგრამ ბოროტება იმის ბოროტებაა, რომ იგი ჩვეულებრივად ძალადობას ხმარობს, როცა ნებით არ აკმაყოფილებ მის მოთხოვნა-ჟინიანობას. ასე რომ დებულება „ძალას ნუ იხმარ ბოროტების წინააღმდეგ“ აუცილებლად ნიშნავს: „დანებდი ბოროტებას!“ რაიც უტყუარი გზაა გადაშენება-გათახსირებისაკენ. ამგვარად, ტოლსტოის პრაქტიკულ ფილოსოფიას რომ ერთ მშვენიერ დღეს ხალხის ფართე მასსა იწამებდეს, ქვეყნის წინ სრბოლის ჩარხი სწრაფად ატრიალდებოდა უკუღმა და ამ ფილოსოფიის დამღუპველი მნიშვნელობა განუზომელი იქნებოდა. მაგრამ საქმე ის არის, რომ ეს ფილოსოფია იმდენად განყენებული და მიუკარგებელია თანამედროვე ცხოვრების პირობებისათვის, რომ მას სრულებითაც არ შეუძლიან ეს რეაქციონერ-გრესიული როლი პრაქტიკულათაც ითამაშოს. რაც შეეხება ამ მოძღვრების მეორე ნაწილს, რომელიც შეიცავს თანამედროვე წყობილების კრიტიკას, მისი პროგრესიული მნიშვნელობა ექვს გარეშეა. თუმცა აღსანიშნავია ისიც, რომ ამ თანამედროვე ცხოვრების უარყოფაშიც ტოლსტოი აშკარა უკიდურესობამდე მიდის. იგი უარჰყოფს მთელ თანამედროვე ცივილიზაციას თავიდან ბოლომდე და უმეტესაქლებოთ. იგი კაცობრიობას მოუწოდებს უკან დაბრუნდეს პირველ-ყოფილ, „ბუნებრივ“ მდგომარეობისაკენ!..

ტოლსტოის ზნეობრივ-ფილოსოფიური მოძღვრება მწარე ამონაკენესია კეთილშობილურ გულისა, რომელიც ტანჯულ-გვემულა კლასიურ საზოგადოების უსამართლობა-სიდუხჭირეთი. ახალი ამ მოძღვრებაში არსებითად არაფერია. ყველა მისი დედა-აზრი გაბნეულია დღემდის არსებულ ზნეობისა და რელიგიის სისტემებში. ტოლსტოიც გვიქადაგებს მაღალ ზნეობას, სათნოებას და იმას კი ვერ გვასწავლის თუ რა გზით, რა საშუა-

ლებით შეიძლება დამყარდეს „მშვიდობა და კაცთა-შო-
რის სათნოება“, ხოლო რამდენათაც იგი საამისოთ მი-
გვითითებს პრაქტიკულ ზომაზე, იმდენათ მისი მოძღვ-
რება რეაქციონურია. ასე რომ ტოლსტოის სიდიადეს
ჩვენ ამოთ მოვძებნით მის ფილოსოფიაში. მისი მთელი
სიდიადე ერთიანად იპოვება მხატვრულ ლიტერატურის
ასპარეზზე. აქ ტოლსტოი ნამდვილი ბუმბერაზია და
ასეთ ბუმბერაზათ არის იგი ცნობილი მთელ ქვეყნიე-
რობაზე. მისი „Война и Миръ“ და „Анна Каренина“ —
კოლოსალური მონუმენტებია მსოფლიო მხა-
ტვრულ ლიტერატურაში. ჩვენც ტოლსტოის ვადიდებთ
მხოლოდ როგორც სიტყვის მხატვარსა და რომანისტს.

ამ ორგანოს წარსულ კვირის №-ში ჩვენ, ქართვე-
ლი ერის დღებულ მწერლის ვერაგულათ მოკვლის
წლის თავზე დამგლოვიატებულთ, ვეღარ მოვასწართ,
გულმაც აღარ მოგვცა, საიუბილეო, სამეჯლისო ფერ-
ხულში ჩავმდგარვით და ჩვენი ხმაც შეგვეერთებინა
საერთო ლიტანიისათვის. ეხლა მით უფრო მეტის გულ-
მოდგინებით და აღტაცების კრძალებით ვასრულებთ ამ
ცოტა შეგვიანებულ, მარა დიდათ საპატიო ვალს. რუ-
სების უდიდეს მწერალს, მათ ეროვნულ დიდებასა და
სიამაყეს ლევ ტოლსტოის ვუგზავნით მხურვალე სალამს
მის დაბადებიდან 80 წლის შესრულების გამო და ვუ-
სურვებთ კიდევ დიდ ხანს სიცოცხლეს რუსებისა და
მთელ კაცობრიობის საკეთილდღეოდ.

გზა - და - გზა.

ჩვენი ქვეყნის ავტონომია.

რუსეთის იმპერიაში ერთი „განაპირა ქვეყანა“
კავკასიაც არის. სოციალ-ეკონომიური ვითარებით ამიერ-
კავკასია ერთი განსაკუთრებული მთელია დანარჩენ
რუსეთთან შედარებით. აი სწორეთ ეს მოსაზრებაცა
აქვს წინ წამდგარებული ს. დ. პარტიის ცნობილ
დადგენილებას, რომელიც აღიარებს იმ საჭიროებას, რომ
„ადგილობრივ კულტურულ-ეკონომიურ მოთხოვნილე-
ბათა დასაკმაყოფილებლათ მთელი ამიერ-კავკასია უნდა
შეადგენდეს საოლქო ერთეულს ცენტრალური ორგა-
ნოთი“. ამ დადგენილებას ამხ. ჩხენკელი პოლიტიკურ
სიბრძნეთ თუ არა სთვლის, დიდის ქებით მაინც იხსე-
ნებს. მისი აზრით ეს დადგენილება არის „პრინციპია-
ლური დეკლარაცია“, იგივე „ჩვენი ტაქტიკის საფუძვე-
ლია და აქედან მისი მნიშვნელობა განუზომელია“
(„ხომლი“ № 20), მაგრამ ეს ქება ა. ჩხენკელის მხრივ
არაჲს მარტო хачон de parler (ლაპარაკის მანერაა), ნამ-
დვილათ კი, როგორც ქვემოთ დავინახავთ—იგი ამ
დადგენილებაში „ქვა-ქვაზე არ სტოვებს“ და მას თავი-
დან ბოლომდე უარყოფს. მისი აზრით დადგენილება
ისეთ შეუსაბამოებას შეიცავს, რომ მისი განხორციელე-
ბა საშინელ უბედურებას დაატეხავდა ს. დ. პარტიას
და მთელ ქვეყანას. ჩვენმა მკითხველმა იცის, რომ ამ

დადგენილებისადმი ჩვენ „ნაზი გრძნობებით“ არა ვართ
გამსჭვალულნი, მისი უარყოფა ჩვენთვის მხოლოდ სა-
სიამოვნო იქნება. მაგრამ ამ შემთხვევაში დადგენილე-
ბას მაინც უნდა რამოდენათმე „გამოვესარჩლოთ“, რათა
გაფარღვიოთ მის მიერ დასახულ ორგანიზაციის აღმინის-
ტრატული ჩარჩოები და შიგ შევიტანოთ აუცილებელი
პოლიტიკური შინაარსი.

დავიწყოთ რიგზე. არის თუ არა ისეთი საერთო
საქმეები, რომელიც საჭიროთ ხდიდეს ამ ქვეყნის ხალხ-
თა ძალ-ღონის შეერთებას, კონცენტრაციას და მაშა-
სადამე საჭიროთ ხდიდეს ამისათვის სათანადო ცენტრა-
ლურ იურიდიულ ორგანოებს? დიახ, არის ასეთი საქ-
მეები. ამას გვატყობინებს თვითონ ა. ჩხენკელი. იგი
სამართლიანათ სწერს: „ყოველ ექვს გარეშეა არსებო-
ბენ მრავლისაგან მრავალი სოციალ-ეკონომიური მოთ-
ხოვნილებანი, რომელთა დაკმაყოფილება უფრო უკეთ
და ჩქარა შეიძლება, თუ ამიერ კავკასიის ყველა ხალხე-
ბი საერთო ძალ-ღონით მოისურვებენ მოქმედებას.
მაგალითებისათვის შორს წასვლა არაა საჭირო. აიღეთ
ამიერ-კავკასიის მთა-გრეხილები, მათი ტყეებით, მადნეუ-
ლობით, მინერალურ წყლებით და მდინარეებით. ამ
აუარებელ ბუნებრივ სიმდიდრის რაციონალურათ გამო-
ყენება ერთი უმაღლესი დანიშნულებაა, რომლის ასრუ-
ლებაში ყველა ხალხები უმწვერვალესათ დაინტერესე-
ბულნი არიან, ამისათვის საჭიროა მათი სულიერ და
ნივთიერ ძალების კონცენტრაცია... მტაცობრივი მეურ-
ნეობა, რომელიც ახლა არის გაბატონებული ბიურო-
კრატიის წყალობით, სრულიად გაავერანებს მთელ
მხარეს, თუ ადგილობრივი მკვიდრი გონზე არ მოვი-
დენ, სანამ გვიან არ არის“ (იქვე). მერე განა აქ დასა-
ხელებულ საქმეების შესასრულებლათ საკმაო არის ად-
გილობრივ მკვიდრთ მიენიჭოთ უფლება თვითონვე
ირჩევდნ ხალხე თავისს მოხელეებს (აღმინისტრაციუ-
ლი თვითმართველობა)?! რას აქნევთ არჩეულ მოხე-
ლეებს, თუ კი თვით ამ საქმეების დაწყება-გაძღოლა,
მიმართულება და ხასიათი დამოკიდებულია უცხო, გარე-
შე ცენტრზე. რომლის განუწყვეტელი ზრუნვაა თავის
საწველ ფურათ გიყალიოთ? კავკასიის მთა-გრეხილებისა
და ველების გვირაბებით, არხებით და სამიმოსვლო
გზებით დასერვა ძალიან კარგი საქმეა, მაგრამ როგორ
გნებავთ ეს შეასრულოთ, თუ კი ყოველ ცოტათ თუ
ბევრათ საყურადღებო გზის გაყვანისათვის „რაზრეშე-
ნიას“ უნდა უცდიდეთ პეტერბურგიდან; ან როგორ
უნდა გამოიყენოთ გზა, თუ კი პეტერბურგისაგან და-
დებული ტარიფი ძირს უთხრის ადგილობრივ ვაჭრობა-
მრეწველობას და არც ადგილობრივ მგზავრების ჯიბეს
შეესაბამება? და ან ვინ თუ რა იქნება იმის თავდები,
რომ გონზე მოსული ადგილობრივი მკვიდრი ერთ
მშვენიერ დღეს არ აღმოჩნდებიან ფეხ-ქვეშ ნიადაგ
გამოკლილნი? თუ კონსტიტუციონური რუსეთი მომა-
ვალშიაც განაგრძობს თავის „ქებულ“ კოლონიალურ
პოლიტიკას“ და „გამარუსებელ გადასახლებას“, უმწყოთ

დარჩენილი ადგილობრივი მკვიდრნი, რასაკვირველია, იძულებული გახდებიან გულა-ნაბადი აიკიდონ და მაწანწალებათ განიზნენ მთელ დედა-მიწის ზურგზე, ვითარცა მრავალ ტანჯული ებრაელთა ერი განიზნა მას ჟამსა-შინა. და რომ რუსეთის კონსტიტუცია და დემოკრატიულ პრინციპების დეკლარაცია ვერაფერი ავგაროზია დასახელებულ უბედურების თავიდან ასაცილებლათ, ამას გვატყობინებს... იგივე ა. ჩხენკელი. „გერმანიის კონსტიტუციის მესამე მუხლი—სწერს იგი—გარკვევით და გადაჭრილათ აღიარებს ქვეშევრდომთა სრულ თანასწორობას როგორც პოლიტიკურათ, ისე ეკონომიურათ. მიუხედავად ამისა, აბა შეხეთ, რას სჩადის გერმანიის ნაწილი პრუსია-პოზნანში, ელზასში და შლეზვიგში, სადაც პოლონელნი, ფრანგნი და დანელები განიციდნენ უწყალო ჩაგვრას. იმავე პრუსიამ შეზღუდა პოლონელთა უფლება კერძო საკუთრებაზე და ეს მაშინ, როცა შემზღუდველნი—კონსერვატორნი და ნაციონალ-ლიბერალები—მთელის ძალ-ღონით ილაგენ კერძო საკუთრებას სოციალისტების წინააღმდეგ. თვით საყოველთაო არჩევნებზე დაფუძნებულმა რეისტაგმა მიიღო კანონი არა გერმანელთა ერის წინააღმდეგ. ავსტრიის კონსტიტუციის მე-19-ტე მუხლი სრულად მკაფიოთ აღიარებს „თანასწორობას ყველა ნაციათა და ენებისას“, მაგრამ, რაც აქ ხდება სწორეთ ამ „ნაციათა ენების წინააღმდეგ, კალმით აუწერელია“ და სხ. (იქვე) აქ აღნიშნულ ნაციონალურ მხავერდობის წინააღმდეგ რომ ადგილობრივი თვითმართველობა და მოხელეების არჩევა არაფერ გარანტიას არ წარმოადგენს, ეს კარგათ იცის თვით გიმნაზიის მეექვსე კლასის მოწაფემ. დიდი ლარი და ხაზი არ ესაჭიროება იმის გაგებას, რომ ეს გარანტია არის და უნდა იყოს პოლიტიკურ ხასიათისა და მისი განსახორციელებელი და მისი დარაჯიც უნდა იყოს თვითონ დაინტერესებული ნაცია თუ ნაციები. კავკასიაში ბინადარი ნაციები ცალკე-ცალკე აღებული საკმაოთ სუსტნი არიან რუსეთთან შედარებით, მაგრამ ყველანი ერთათ კი ისეთ ძალას წარმოადგენენ, რომლის წინაშე იძულებული გახდებოდა ქედი მოეხარა თვით უძლიერეს ბრიტანიის ცენტ. პარლამენტს. საერთო ნაციონალური მონობის უღელი კავკასიელ ნაციებს ავალებს მათ მშურათ ხელი მისცენ ერთმანეთს საერთო ზედ-შაობის თავიდან ასაცილებლათ. *) მათ უნდა გარს შემოივლონ პოლიტიკური სარტყელი, ე. ი. კავკასიის ტერიტორიაზე უნდა მოიპოვონ სახელმწიფოებრივი უფლება და საკუთარ სოციალ-ეკონომიურ ცხოვრების გამწესრიგებელნიც (კანონმდებელი) თვითვე უნდა იყვნენ. ერთი სიტყვით, ეს ქვეყანა უნდა ავტონომიურათ აიჯაგროს და მისი ცენტრალური ორგანო (საოლქო სეიმი და სხ.) უნდა წარმოადგენდეს ნამდვილ პარლამენტს

*) ჩვენ აქ, რასაკვირველია, არ გვულისხმობთ ერთ პარტიობას, რაც კიდევ შესაძლებელი იყო გასულ საუკუნის დამდეგს და მაინც დღეს ჰგენე უტოპია იქნებოდა, მარა ეს საკითხი არ შეადგენს ამ წერილის საგანს.

და არა ადმინისტრაციულ ორგანოს. დიახ, კავკასია უნდა იყოს რუსეთის სახელმწიფოს ავტონომიური ნაწილი.

მაშ—დაასკვნიათ ამხ. „ცენტრალისტები“—თქვენ გინდათ რუსეთსა და კავკასიას შუა გაავლოთ საბაჟო და სადამოყნო გალავანი, რაიც ყოვლად რეაქციონურ-რეგრესიულია, რადგან ეს ნიშნავს კაპიტალისტურ განვითარების შეფერხებას! მართალია ეს თუ არა?—არა, არ არის მართალი. ჩვენ კარგათ უნდა გვახსოვდეს, რომ ავტონომია არ არის რაიმე ერთხელ და საბოლოოთ განსაზღვრული ორგანიზაცია, სიტყვა „ავტონომია“, როგორც უკვე ვიცით, აღნიშნავს მხოლოდ მოქმედების ხასიათს და მოქმედების სივრცე კი შეიძლება იყოს სულ სხვა და სხვა, ადგილის და დროის მიხედვით. ყველაფერი დამოკიდებულია იმაზე თუ რა მოთხოვნები იქნება ხალხისგან წამოყენებული და რა ძალა გაუმადრებს ზურგს ამ მოთხოვნებს. ასე რომ ავტონომია უქვეყნოთ არ იგულისხმებს საბაჟო და სადამოყნო უფლებას. ეხლა ვიკითხოთ, ვინ იქნება ამ უფლების მომხრე, ვინ მოიწადინებდა კავკასიასა და რუსეთს შუა სადამოყნო გალავანის გაკეთებას? რასაკვირველია მხოლოდ წვრილი ბურჟუაზია, რომელიც მინაბრებულია საშინაო, ადგილობრივ ბაზარზე და რუსეთთან თითქმის არაფერი საქმე არა აქვს. სამაგიეროთ წინააღმდეგი გამოვიდოდა მთელი დანარჩენი ქვეყანა, მუშა ხალხი და საშუალო და მომსხო ბურჟუაზია. ამასთანავე რუსეთიც ამ სადამოყნო საზღვარის გავლებას თითქმის ისეთსავე წინააღმდეგობას გაუწევდა, როგორც სრულ განცალკევებას, კავკასიისაგან ცალკე სახელმწიფოს დაარსების წადილს. ასეთ პირობებში, კი ცხადია, აღნიშნული გალავანი მხოლოდ ჭაერში დარჩებოდა გავლებული.

კავკასიის ერთა ფართე მასსა დიხაც რომ დაინტერესებულია არავითარი სადამოყნო და „პალოები“ არ არსებობდეს არც რუსეთსა და კავკასიას შუა და არც თვით კავკასიის შიგნით. საკუთარი სადამოყნო უფლება კავკასიისათვის სასარგებლო იქნებოდა მხოლოდ უცხოეთის სახელმწიფოთა მიმართ. ეს უფლება მას საშუალებას მისცემდა წინააღმდეგ რუსეთისა კარები გაეღო ევროპისაკენ და მით ხელი შეეწყო ადგილობრივ ვაჭრობა-მრეწველობის უმაღლეს განვითარებისათვის.

თვითონ ა. ჩხენკელსაც არა სჯერა სადამოყნო-საბაჟო „პალოების“ თუ გალავნების გაკეთების შესაძლებლობა. მაშასადამე, ეს არგუმენტი ავტონომიის წინააღმდეგ თავისთავათ ქარწყლდება. მაგრამ ა. ჩხენკელს მოყავს სხვა უფრო საყურადღებო არგუმენტი. იგი სწერს: „დააკვირდით საგანს კიდევ უფრო ბეჯითად თქვენ არ გაგიძნელებათ ამიერ-კავკასიის საერთო სეიმის მოღვაწეობის გათვალისწინება. უფრო კრელი და დიამეტრალურათ ერთი მეორის მოწინააღმდეგე ლტოლვილებათა ერთ ადგილას დაგროვებას, ერთ მაღაროში დაგუბებას თქვენ სიხმარშიდაც ვერ დაინახავთ. სოციალდემოკრატია გაუბის ნაციონალურ ბრძოლას,—

საოლქო კრებაზე კი მივიღებდით ნაციონალისტურს, სარწმუნოებრივს, პრიმიტიულ გვარტომურს და სი-
სხლით შურის მიძიებრივს (კურსივი ავტორისაა). სო-
ციალდემოკრატია უმწვერვალესათ დაინტერესებულია
კლასობრივ წინააღმდეგობათა გამოაშკარავებაში, — სა-
ოლქო კრებაზე კი ჩვენ მივიღებდით მათ წყველიაღმ
გახვევას.

ამხ. ჩხენკელი, ცოტა არ იყოს, საქმეს აზვიადებს,
მაგრამ მის მიერ დასახული პერსპექტივა დაახლოვებით
მანც უეჭველათ აცხადებოდა, თუ კი ცხოვრებაში
გატარდებოდა პარტიის ცნობილი დადგენილება, რომე-
ლიც ამიერ-კავკასიის სეიმს ავალებს აქ მცხოვრებ ნა-
ციათა ერთ საერთო კულტურულ „ავტონომიის“ გან-
ხორციელებას. ჩვენ საქმის ასე დაყენების წინააღმდეგი
ვართ. თუ ჩვენ ვისარგებლებთ ახალ ისტორიის გაკვე-
თილებით, ვიხელმძღვანელებთ ნაციონალურ საკითხის
თანამედროვე ცოდნა-გამოცდილებით და საესებით შე-
ვიგნებთ ავსტრიის მაგალითებს, ჩვენთვის აშკარა იქნე-
ბა საჭიროება კავკასიის საოლქო სეიმს ჩამოერთმეო-
დეს ნაციონალ-კულტურული საქმეები და ეს გადაეცე-
მოდეს სათანადო ნაციონალურ საბჭოებს და ან ნაციო-
ნალ-ტერიტორიალურ კანტონალურ სათათბიროს, გა-
რემოების მიხედვით.

ამ ზირობის შესრულება საოლქო სეიმში ნაციო-
ნალურ ბრძოლას მინიშნუებამდე დაიყვანს და სულაც
გაქარწყლებდა, რომ კავკასია ერთ და იმავე კულტუ-
რულ დონეზე იდგეს და მისი სხვა და სხვა კუთხეების
სოციალ-ეკონომიურ ვითარების იგივეობაც რომ ფაქტი
ყოფილიყო. მაგრამ სამწუხაროთ ეს აგრე არ არის. ამხ.
ჩხენკელი მართალია, როცა სწერს: „საქმეც სწორეთ
იმაშია, რომ ამიერ-კავკასიის წვრილი ხალხები ერთ და
იმავე კულტურულ საფეხურზე არა დგანან. ისინი განი-
რჩევიან ერთი მეორისაგან მეურნეობის წესით, უფლე-
ბრივი წარმოდგენით, თვით საკუთრების ფორმებით,
ენით, სარწმუნოებით, თემურ და ოჯახურ განწყობი-
ლებით, ზნე-ჩვეულებით, ტრადიციებით. ისტორიულ
წარსულით, განათლებით და მრავალი სხვით... კავკასიის
მთა-გრეხილებზე და კარგა მოზრდილ ბარზე დამკვიდ-
რებულ წვრილ ხალხებს მინიჭებული აქვთ მთავრობი-
საგან განსაკუთრებული უფლებანი, როგორც საჯარო-
სათემო თვითმართველობაში, ისე პიროვნულ-სამოქალა-
ქო ურთიერთ განწყობილებაში, ისინი არ ექვემდებარე-
ბიან იმპერიის ჩვეულებრივ წესებს... ამ წვრილ გვარ-
ტომობას და ჩამოყალიბებულ ერების ურთიერთი შეუ-
ბამლობა და შეუსაბამობა, როგორც ეკონომიაში, ისე
პოლიტიკაში, ეს დაინახა ბრმა ბიუროკრატიაში, ეს უნდა
დაინახოს სოციალდემოკრატიაში“. კეშმარიტათ, რომ
ასეა და სწორეთ იმიტომ, რომ ეს ასეა, ჩვენ ვითხოვთ
კავკასიის კუთხეების კანტონალურ თუ შტატებრივ
ორგანიზაციას, როცა ცენტრალურ სეიმიდან თუ პარ-
ლამენტიდან ნაწილი პოლიტიკურ, მოქალაქობრივ და
სისხლის სამართლის უფლების კანონ-დება გადაეცემის

შემდგენელ ნაწილებს — კანტონებს. მკითხველმა არ უნდა
იფიქროს, ვითომ ჩვენი გეგმით კავკასია უნდა შეადგენ-
დეს ამერიკის, შვეიცარიის, ავსტრალიის და სხ. უბრა-
ლო კოპიოს. ბრმა მიმბაძველობა არაფერში არ არის
სახირო და არც ამ შემთხვევაში იქნებოდა ფარსაგი.
საქმე ის არის, რომ კანტონებათ დანაწილება კიდევ
არ აგვაცილებდა თავიდან ნაციონალურ ბრძოლას,
რადგან აქ ტერიტორიალურ პრინციპი ყველგან არა
ჭფარავს ნაციონალურ პრინციპს, ე. ი. ერთ ტერიტო-
რიალურ ერთეულზე არეულნი არიან სხვა და სხვა
ნაციები, და აკი ამიტომაც ჩვენ ხაზს ვუსვამთ ნაციო-
ნალ-კულტურულ ავტონომიის საჭიროებას.

ნაციონალ-კულტურული ავტონომია და კანტონა-
ლური მოწყობილება კავკასიაში საუკეთესოთ სწყვეტავს
ნაციონალურ საკითხს. მაგრამ ამხ. ჩხენკელი წინააღმ-
დეგია კავკასიის ყველა ერების შეერთებისა ერთ მმართ-
ველობაში. მისი აზრით სოც.-დემოკრატია რამდენიც
უფრო დაუკვირდება „ცხოვრების სიღრმეს, მით უფრო
ნათლათ დაინახავს ამიერ-კავკასიის ხალხების ერთი-
მეორისაგან ღრმა განსხვავებას და მათგან შემდგარ
საოლქო მმართველობის უდროობას... მაშ ჯერ არ
მომწიფებულან? იგი კავკასიის უკან ჩამორჩენილ ხალ-
ხებისათვის არ იმეტებს არც ავტონომიას და არც საოლ-
ქო თვითმართველობას და ამ რიგათ აღმათ მათ სტოვებს
ისევე „ბრმა ბიუროკრატის“ ამარა და მის „მტაცობრივ
მეურნეობის“ მსხვერპლათ. ამხ. ჩხენკელი მიგვითითებს
იმაზედაც, რომ ამიერ-კავკასიის სხვა ხალხებს (ქართვე-
ლებს გარდა) ჯერ არც კი დაულაპარაკნიათ, თუ რო-
გორი წეს-წყობილება მიაჩნიათ თავისთვის საუკეთესოთ.
მაგრამ როგორ დაილაპარაკებდნ ამას, როცა მათ ხმალ
ამოწვდილი თავზე ადგანან და ტუქსავენ: თუ დაილა-
პარაკე რაიმე უფლებებზე უმაღლეს თავ-პირს დაგამტე-
რეთო. ამხ. ჩხენკელი უნებურათ მოსარჩლე გამოდის
იმ ბიუროკრატულ-ბურჟუაზიულ „მომწიფების თეო-
რიისა“, რომლის მიხედვით კულტურულათ უკან ჩამორ-
ჩენილ ხალხებისათვის საუკეთესო აღმზრდელია „როზ-
გი“ და მათახი თუ ხიშტები. სოც.-დემოკრატის ამ
„თეორიასთან“ არაფერი საერთო არა აქვს. დემოკრა-
ტიული უფლებები და პოლიტიკური თავისუფლება სა-
სარგებლოა ყველასათვის. ამიტომაც ჩვენი ვალია ამ
უფლებისაკენ ავამოძრაოთ ამ ქვეყნის ყველა უკან ჩა-
მორჩენილი ხალხები და თვით ისეთი მივარდნილი
კუთხეებიც, სადაც ბიუროკრატის წყალობით ჯერაც
უტეხი წყველიაღა გამეფებული.

პ რ მ ს ს ა.

ქართულ სერიოზულ პრესაში ჩვენ ძვირათ შეგ-
ვხვედრია და უცხოეთის რიგიან პრესაში კი სულ
არ გვინახავს ისეთი ზერელე და ავყია სტრიქონები,
როგორიც გამოფენილია გაზ. „შურდულში“ (იხ. № 2

„პრესა“). გაზეთი ყოველგვარ სიაყვესა და ყველა მომავალდინებელ ცოდნებს გვახვევს თავზე მხოლოდ იმ საბაბით, რომ ილია ქაქუცაძის ტრადიკულათ დაღუპვის წლის თავზე ჩვენ ორიოდ მწუხარე და ნაღვლიანი სიტყვა აღმოგვხდა გულიდან. „შურდულში“ სიტყვა-სიტყვით ვკითხულობთ შემდეგს:

„ისტერიკაში ჩავარდნილა „ჩვენი კვალი“ და ნიშანდურების ენით ამეტყველებულა. ის სწერს: „დღეს წლის თავი არის ჩვენი სასტიკი მდგომარეობისაო, „გათახსირებისა“ (ხახს უსვამს „შურდული“) და სხ.ვის გათახსირებაზეა აქ ლაპარაკი ვინ არის ეს „ჩვენი“ უმეტესად, აქ იბულისხმება ქართველობა, ქართველი ხალხი, ე. ი. ქართველობა გათახსირებული იმიტომ, რომ ვიღაც ორიოდ ვერაგმა ვერაგული საქმე ჩაიდინა. ასე სწორდენ შარშან ერთ ცხელ გულზე ჩვენი პატრიოტები, მაგრამ ამის ბანმეორება—რას ნიშნავს, სიბრძნევს თუ სიყალბეს? განა ქართველობა პასუხის მგებელი მისი დუბიოზი წევრის მოქმედებისათვის? მაშ, ექსპროვრაცია-შანტაჟისტობის პასუხისმგებელი ხალხი ყოფილა? ეს რეაქციის ლოლიკაა, როცა ვისმეს სადმე მოკლავენ, იქ ხალხს ეგზეკუციას უყენებენ, თქვენი ბრალიაო. ამ ლოლიკას დღეს დადგომიან „ჩვენი კვალის“ მესვეურნი. ერთი სიტყვით, „ჩვენი კვალი“ იმეორებს ჩვენი მოწინააღმდეგეთა შარშანდელ ისტერიკას. მას ალბათ დიდად სურს მათგან მამულიშვილობის დიპლომი მიიღოს და ასე თუ სკამს შუა მოიკალათოს.“

„შურდულის“ მეპრესე რომ თავისუფალი იყოს გულდვარდიანობისაგან და წაკითხულის გაგების უნარიც ჰქონდეს, იგი არ დაიწყებდა ასეთ უმზგავსო ლათაიებს. არც „გულთ მისონობას“ შეუდგებოდა იმის შესახებ თუ „ვინ არის ეს „ჩვენი“? „ე. ი. ქართველობა გათახსირებულია“ო რა სხვა. ჩვენ პირდაპირ ვწერდით, რომ ილიას მოკვლის ამბავმა ქართველ ხალხს თავ-ზარი დასცა; გული გაუგმირა და შეაძრწუნა, რომ ში აგვისტო „წლისთავია ჩვენი ხალხის საუკეთესო და სათუთ გრძნობების უღვთოთ, ბარბაროსულათ შეურაცყოფისა და ფეხ-ქვეშ გაათელვისა“. (იხ. „ჩვენი კვალი“ № 15) მაგრამ „შურდული“ მაინც იმ აზრს გვაწერს, ვითომ ილიას მკვლელობაში ჩვენ დაგვეწახოს მთელ ქართველობის გათახსირება, ვითომ ქართველი ხალხი გვეცნოს პოეტის ვერაგულ მოკვლის თანაზიარათ, (ე. ი. სრული წინააღმდეგობა იმისი, რაც გამოთქმულია ზემოთ ამოწერილ ჩვენს სტრიქონებში). ნუ თუ „შურდულის“ მეპრესეს არ მოეთხოვება არც ეთიკა, არც ლოლიკა და არც უბრალო გონიერება?

რადას ნიშნავდა, რას იგულისხმებდა ჩვენ წერილში სიტყვა „გათახსირება“ და „სასტიკი ბედ-შაობა“? მხოლოდ იმას, რომ ილიას მკვლელები არც ციდან ჩამოვარდნილან და არც ქვესკნელიდან ამოცვივნილან. გათახსირებული ელემენტები და მათი ბოროტმოქმედება ნაყოფია იმ საზოგადოებრივ ვითარების, რომელშიაც იმყოფება ესა თუ ის ხალხი... სრულიად ბუნებრივია თავ-მოწონებისა და სიამაყის გრძნობა, როცა ვინმე ჩვენი თანამოძმე თუ თანამემამულე შეასრულებს რაიმე სასიქადულო საქმეს, და ასევე ბუნებრივია თუ მწვავე

სირცხვილის გრძნობა გულს გვიღადრავს, როცა განვსკვრეტთ ისეთ დაუჯერებელ სიმხეცეს, როგორიც იყო მეგონის მოკვლა.

გაზ. „შურდულის“ მეპრესეს კი მხოლოდ პოლიციურ ადმინისტრაციული პასუხის გება ელანდება... რეაქცია ხალხს ეგზეკუციას უყენებს იმიტომ კი არა, რომ რაიმე სოციალურ პირობებზე ფიქრობდეს, არამედ მხოლოდ იმიტომ, რომ ჰგონია დამნაშავენი თავს აფარებდნენ თვითონ გლეხებთანვე; მას უნდა დამნაშავენი შეიპყროს და დასაჯოს, რათა ამ რიგათ ბოროტებ მოსპოს, აღზოცოს პირისაგან ქვეყნისა. მისთვის ბოროტების თავი და ბოლო დამნაშავე პირებია, და არა სოციალ-პოლიტიკური პირობები. სწორეთ ასევე მსჯელობს „შურდულის“ მეპრესეც: „ვიღაც ორიოდ ვერაგმა ვერაგული საქმე ჩაიდინა“, აქ ხალხი და ქვეყანა რა შუაშიაო!.. აფსუს!..

გვეთავილება, რომ ასეთი ელემენტარული, საბანო განმარტებანი გვიხდება „შურდულითან“, გვაგონდება მისი „წინაპარი“ გაზეთები, და თვალწინ გვამუდდება პრესის დაკნინების აჩრდილი.

* *

გაზ. „შურდულის“ „პრესის“ დაკნინებასვე მოწმობს მისი მეორე შენიშვნაც საფაქრო გაზეთის შესახებ.

თფილისის წვრილ ვაჭართა საგრძნობელი მასსა გუშინ, განმათავისუფლებელ მოძრაობის დროს, მხნეთ მისდევდა სოციალდემოკრატიულ პარტიას, დღეს კი მას ცალკე ორგანიზაცია დაუარსებია, ცალკე ორგანო („სავაჭრო გაზა“) გამოუცია და თავის საკუთარ პოლიტიკურ გზას ადგება. დაგვეთანხმებით, რომ ეს საქმათ საყურადღებო მოვლენაა. მაგრამ მთელ ამ მოვლენაში გაზ. „შურდულის“ მეპრესე ვერაგის და ვერაფერს ხედავს გარდა... ბ-ნი მერკვილაძესი! მეპრესეს ერთი კითხვა და აინტერესებს: „მხოლოდ რა ნაირათ შეეძლება ბ-ნი მერკვილაძეს, ამ ქართველ წმინდა წყლის ნაციონალისტს, იყოს წარმომადგენელი ქალაქის წვრილი ბურჟუაზიის, „განურჩევლათ ეროვნებისა“, ეს ჯერჯერობით გამოუცნობელია“. ჩვენ წინ საყურადღებო საზოგადოებრივი ძალის ახალი ორგანიზაციაა; და მისი ორგანოს წარმომადგენელი ბ-ნი მერკვილაძე იქნება თუ დარახველი-დე ეგ სრულებითაც ვერ შესცვლის საქმის არსებით ვითარებას. პირები ჩვენთვის სრულებითაც არ არის საინტერესო. „შურდულის“ მეპრესე კი არ ეშვება ბ-ნი მერკვილაძეს და ასეთ ალტერნატივას უყენებს: „ორში ერთი: მან (მერკვილაძემ) თავისი ვიწრო ნაციონალიზმი ან უნდა დატოვოს, ან და თავის დროშის ქვეშ მარტო ქართველი წვრილი ბურჟუაზია უნდა დააყენოს და სხვებს ექსორია უყოს“. გულუბრყვილო მეპრესეს წარმოუდგენია, ვითომ ბურჟუაზიის ინტერნაციონალიზმაც იგივე იყოს, იმავე ხასიათისა, როგორიც არის პროლეტარიატის ინტერნაციონალიზმი. ნამდვილათ კი ბურჟუაზიის ამ საკითხშიაც თავის საკუთარი ტიპიკონი აქვს. ბურ-

ქუზია დღეს და აქ ნაციონალისტიკა, ხეალ და სხვა-
გან ის ინტერნაციონალისტიკა, ან და ერთსა და იმავე
ღრმს და ადგილას იგი ნაციონალისტიკა არის და
ინტერნაციონალისტიკა. ყველაფერი დამოკიდებულია
ბაზრის ვითარებასა და პოლიტიკურ პირობებზე.

წვირლ ვაქრების ცალკე ორგანიზაციით დარაზმვა
ჩვენთვის მნიშვნელოვანია, როგორც ერთ-ერთი სიმ-
ტომი ჩვენი ცხოვრების სოციალ-პოლიტიკურ დიფერენ-
ციაციისა. ეს მაჩვენებელია საზოგადოებრივ წინ-მსვლე-
ლობისა. საზოგადოებრივ ჯგუფების გამოჯენა და პო-
ლიტიკური თვითგამორკვევა პროგრესიული მოვლენაა.
რეგრესიული და გამათახსირებელია უპარტიოება, პოლი-
ტიკური გამოურკვეველობა.

სხვა-და-სხვა ამბები

ჩვენში

ტფ. ქალაქ-საბჭოს 9 სექტემბრის კრებას წარე-
დგინება განსახილველად ორი მოხ'ენება: ერთი ლ. ნ.
ტოლტოის 80 წლ. იუბილეს აღნიშვნის და მეორე
ილია ქაფუცის სახელობაზე ქალაქში სკოლის დაარსე-
ლის შესახებ.

— როგორც მკითხველებს ესმომებათ, ამსამი თვის
წინათ უგზო-ოკვლოა სადღაც გადაიკრება სოფ. ახალ-
ქალაქის (ქართლი) მცხოვრები მემამულე თავ. თარხნი-
შვილი. ბევრი ეძებს, მაგრამ ვერ იპოვნეს. ამ ს გამო
მთავრობამ 25 მაისიდან სოფ. ახალქალაქ-ს, ნოტის და
ახალციხის მცხოვრებთ ეგზეკუცია ჩაუყენა (60 ყაზახ-),
რამაც სგრძნობელი ხარჯი მისცა გლეხებს. სამი თვის
განმავლობაში მცხოვრებთ ეგზეკუციის შენახვა 9500
მ.წ. დაუჯდათ. სენე'ულ სოფლის წარმომადგენელთ
ამ მოკლე ხნში ინახულს სახ ლმწიფო სათათბიროს
წევრა კ. ჩხეიძე და სთხოვე'ესუ მდკომლა ეგზეკუციის
მოხ'ნის შესახებ. კ. ჩხეიძე ინახულა გენ. გუერნტორი,
აუხსნ ხალხის გაკ'ვრება, რის შემდეგაც გენ-გუერნტორი
რმა განკარგულეა მოახდინა ეგზეკუციის მოხსნის შე-
სახებ.

— სოფ. ყაზბეგში (დუშეთის მაზრა) გენერ. გ.
ყაზბეგმა თავისი ხარჯით გ.წ.წ. საქსოგ-სართავი სახე-
ლოსნო, სადაც სხვა და სხვა შლეულობის, ფარდაგეს,
ქულებს მატულისაგან და სხ მომზდებას ასწავლიან ამ
სკოლის თანახმად გენერალ ყაზბეგის შუამდგომლობისა,
შეწა მრეწვილო'ის კომიტეტს დაუდენია ყოველ წლივ
600 მ.წ. დაეხმაროს და თავისივე ხარჯით გაჰყავნოს
იქ თავ-სა ინსტრუქტორი.

— სახალხო უნაფრისიკეტის ქართულ სექციის
მეორე სკოლაში, რომელ-ც გ.წ.წ.წ.წ. გერზე, ოლგი-
ნის ქ. ივ მაჩაბლის სახლებში № 52, ორშაბათს, 8
სექტემბრიდან იწყება მიღება წერაკითხვის უცოდინარ
და ცოტათი მცოდნე მკ'ვრები. მიიღებიან ორივე სქე-
სის მუშები, გ.წ. 15 წლ. ნაკლები არ იქნებიან. სა-
სურველია დაეშურნენ მუშები ხანებულ სკოლაში ჩა-
წერა შეიძლება ყოველ დღე. გარდა კვირისა, ს.ღამოს
6-8 საათ ღ.ს. წავლის ფულა სამს თვეს ღირს 1 მან.
— უმაღლესმა მთავრობამ გ.წ.წ.წ. ბრძანება, რო-

მლის ძალით ც.ამი-რ-კავკასიის რკ-ნის გზაზე ადგილო-
ბრე მკვირთაგან 60 პროცენტზე მეტი არ უნდა მი-
იღონ.

— სოფ. ღვანკითში (შორაპ. მაზ.) 27 აგვ. პოლი-
ციას დაუპატიმრება პეტრე სკვარელიძე, რომელიც
შარშან ქუთაისის საგუბერნიო ცხ-დ-ნ გაიქ. ქ.
სხვა პოლიტიკურ ტუსადღ'თ ნ ერთად.

— ჩვენმა რედაქციამ მიიღო ახალი წიგნი „გუთა-
ნი“, ოჯახსა და სკოლებში საკ-თხევი, შედგენილი
ქუთაისის საზ. გიმნაზ. მასწავლებლები: ი. ორცხლის.
თ. მთავრიშვილის და ს. ყიფიანის მიერ. წიგნი სუფ-
თად და კარგს ქაღალდზეა დაბეჭდილი; შეცანს 500
გვერდამდის და ღირს 80 კ.პ.

რუსეთში

— სიკვდილით დასაჯეს: კაზანში—ორი, რიგაში—
ერთი.

—სიკვდილით დასჯა გადაუწყვეტეს: კიევში—ცხ-
რას, რადომში—ორს, მოსკოვში—ორს, რიგაში—რვას,
პეტერბურგში—სამს, ირკუტსკში—ერთს, ვარშავაში—
ორს, სარატოვში—სამს, ოდესაში—ორს, დვინსკში—
ერთს, ეკატერინბურგში—ორს, პიატიგორსკში—ერთს,
ვიტებსკში—ერთს. („რეჩი“ №№ 202—206).

— გაზ. „რეჩი“ დაჯარიმეს 3000 მან., რადგან
მასში მოთავსებული იყო სტატია: „კიდევ ა. ნ. შვარ-
ცის პოლიტიკაზე“.

— მიუხედავად იმისა, რომ შავმა ძალებმა ყოველ-
ნაირი ზომები იხმარეს ტოლსტოის იუბილეს გამარ-
თვის წინააღმდეგ, მაინც მათმა ცდამ ვერ ჩააქრო
სრულიად დიდებულ მწერლისადმი მოზღვაებული სი-
ყვარულისა და პატივისცემის გრძნობა. როგორც გაზე-
თები იუწყებიან, ლ. ნ. ტოლსტოიმ მიიღო აურებელი
მისალოცი დეპეშები და ადრესები, რომელთაც ხელს
აწერენ მისი პატივისცემელები. მთელი შეგნებული რუ-
სეთი განურჩევლად ეროვნებისა ცდილობს აღნიშნოს
რითიმე ტოლსტოის სახელი. მას სწერენ სხვა და სხვა
განმანათლებელ საზოგადოებათა საპატიო წევრათ, მის
სახელზე აარსებენ სასწავლებლებს, სამკითხველოებს და
სხვა.—აუარებელი მისალოცი ტელეგრამები მიუღია
იუბილიარს ამერიკიდან, ინდოეთიდან, გერმანიიდან,
ახალ ზელანდიიდან, იაპონიიდან, არ დარჩომილა არც
ერთი კუთხე ქვეყნისა, რომ მის იუბილეს გამო არ
გაემართოთ ლექციები, რომელთაც მიზნათ ქონდათ
გაცნობათ დიდებული მწერლის ნაწარმოებნი. რუსეთში
კი... ბევრ ქალაქში ხმა-ც კი არ ამოღებინეს ტოლს-
ტოიზე. აუარებელი გაზეთები, რომელნიც შეეხენ მას,
დაკეტეს. ბევრს ადგილას რედაქტორებს და სტამბის
პატრონებს წინააღმდეგ ხელწერილი ჩამოართვეს, რომ
არაფერს გაუშვებენ ტოლსტოის შესახებ. სადაც კი
გაიმართა კრებები მის პატივსაცემათ, მას ყარაულობდა
პოლიციის მზრუნველი თვალი. ამ უამათ ტოლსტოი
ჯანსაღათაა და ჩვეულებრივად შეუდგა მუშაობას.

— საპრობილეთო მთავარმა გამგეობამ დაუგზავნა ციხეების უფროსებს ცირკულიარი, რომელშიაც შეტანილია შენახვის ახალი წესები იმ ტუსათა შესახებ, რომელთაც კატორგაში მუშაობა აქვთ გადაწყვეტილი და სხვა და სხვა ციხეებში კი იმყოფებიან ჯერ-ჯერობით. ახალი წესებით მათი ნახვა შეიძლება მხოლოდ თვეში ერთხელ (წინათ კი შეიძლებოდა ყოველ კვირა); მიწერ-მოწერაც ძალიან შევიწროებულია. აქამდის პატიმართ შეეძლოთ კვირაში ერთხელ გაეგზავნათ წერილი, წერილების მიღება კი განუსაზღვრელი იყო. ეხლა კი მათ სახელზე შეიძლება გაიგზავნა და მიღება წერილებისა ციხეში მარტო ერთხელ თვეში.

— რადგანაც ფინლიანდიის სეიმს აზრათა აქვს შესცვალოს ფინლიანდიის საქმეთა მოხსენების წესი, პეტერბურგის რეაქციონერებს გადაუწყვეტიათ ისარგებლონ ამ შემთხვევით და შეეცადნენ არსებულ სეიმის დათხოვნას და საარჩევნო ცენზის შემოღებას.

— კოსტრომის ციხეში 1-ლ სახელმწიფო ღუმის—ვიბორგის მოწოდების გამო დაპატიმრებულ — დეპუტატებს შეუსრულდათ სამი თვე. მიუხედავად ამისა ისინი ციხიდან არ გაანთავისუფლეს და მეოთხე თვესაც დასტოვეს შიგ. მხოლოდ სასტიკი პროტესტის შემდეგ მეოთხე თვე შეუმცირეს 12 დღით.

— ბექვდითი საქმეთა ინსპექტორმა ოდესაში ჩამოართო სტამბების პატრონებს ხელწერილი რომ ისინი არაფერს არ დაბეჭდავენ ტოლსტოის იუბილეის შესახებ.

— 1-ლი სახელმწიფო ღუმის წევრს კორნილიევს გადაუწყვეტეს ორის წლით ციხეში დაპატიმრება.

— მოსკოვის გაზეთებს აუკრძალეს პროტესტების ბეჭდვა სიკვდილით დასჯის წინააღმდეგ ტოლსტოის იუბილეის დღეს.

ო ს მ ა ლ ე თ ი .

— დიდის ამბითა და ზეიმით გახსნეს დამასკ-მედინის „წმიდა“ რკინის გზა სულთანის ტახტზე ასვლის დღეს. ეხლა დაზასკიდან მედინამდე თავისუფლად შეიძლება რკინის გზით მოგზაურობა. მედინიდან მექამდე რკ. გზა გაყვანილ იქნება ორი წლის განმავლობაში.

ამ დიდ ამბავს აუარებელი ხალხი დაესწრო ახლო-მახლო ადგილებიდან. გზა გახსნა განსაკუთრებულმა კომისიამ. დამასკიდან მედინამდე ხალხი ყველგან აღტაცებითა და აღფრთოვანებით ემბეზვოდა კომისიას. ყველა სადგურები მორთული იყო ბაიროლებითა და ზეწარწერებით: „თავისუფლება, თანასწორობა, ძმობა“ გზაზე მომუშავე ბატალიონები დიდის დემონსტრაციებით ეგებებოდნენ კომისიას; ჯარის კაცებმა ქუდებზე მიიკრეს კონსტიტუციონური ორ-ფეროვანი ნიშანი. ყველგან გაისმოდა თავისუფლების ჰიმნები, ხალხის ტანჯვაში გამოზრდილი აღმაფრთოვანებული სიმღერები. მედინის სადგურზე, სხვათა შორის, სიტყვა წარმოსთქვა ნაციონალურ გაზეთ „Al Lavva“-ს რედაქტორმა: „ჩვენ ველესასწავლობთ დღეს, — სთქვა მან, — დიდებულ შემთხვევას — პილიგრიმთა მოსვლას მედინაში, „წმიდა“ რკინის გზის გახსნასა და სულთან აბდულ ჰამიდის ტახტზე ასვლის წლის თავს. წინასწარმეტყველს არ სურდა, რომ რკინის გზა გაყვანილიყო წმიდა

მედინამდე, ვიდრე სულთანი არ უბოძებდა ხალხს კონსტიტუციას“. ამ სიტყვამ ძლიერი შთაბეჭდილება მოახდინა ხალხზე. ყველამ შეფიცა, რომ კონსტიტუციისთვის უკანასკნელ სისხლის წვეთამდე იბრძოლებენ თუ ამას საჭიროება მოითხოვს. სადგურიდან ხალხი გაემგზავრა წმიდათა-წმიდა მეჩეთისაკენ, სადაც ქიაზიმ-ფაშამ გაიწოდა ხელი წინასწარმეტყველის აკლამისაკენ და შეფიცა, რომ ყოველივე ძალ-ღონეს იხმარს მექამდე რკინის გზის გასაყვანათა და კონსტიტუციის დასაცველათ. ამდროს მას მოუვიდა დეპუტატი სტამბოლიდან, რომ იგი ჰეჯასის ბუბერნატორად დანიშნაო, ხალხმა დიდის აღტაცებით მიიღო ეს ცნობა; მოხუცი გენერალი ხელში აიყვანეს და მთელი ქალაქი შემოატარეს.

მედინის ბუბერნატორად ნამყოფი ოსმან-ფაშა ხალხმა შეარცხინა და ქალაქიდან ბანდევნა.

ს ჯ ა რ ს ე თ ი .

— როგორც გაზეთის ცნობები გადმოგვცემენ თავრიზში სათარხანსა და ბინოდ-დოულეს ჯარის შორის ბრძოლა გრძელდება.

ავგისტოს მასულს ვინუდ-დოულემ შემდეგი დეპეშა გაუგზავნა შაჰს: „მეტი გზა არაა, უნდა დავსთანხმდეთ კონსტიტუციონალისტების ყველა მოთხოვნას და დაუყონებლივ შეიკრიბოს მეჯლისი. ბრძოლა უიმედოა“. რადგან შაჰი ავად არის, ეს დეპეშა მიიღო ემირ-ჯენგემ, რომელმაც მკაცრი ბრძანება მისცა თავრიზის ბენერალ-გუბერნატორს, „თავრიზი მიწასთან გაასწორე“.

— თეირანში რევოლუციას ელოდებიან, ამისთვის გენერალი სანიბ-აზრათი აარსებს შავ რაზმს 200 კაცისაგან.

— როგორც თეირანიდან დეპეშა იტყობინება შაჰის პირველმა მინისტრმა შეატყობინა რუსეთის ელჩს, რომ ამ დღეებში გამოგზავნით მეჯლისში საარჩევნო უფლების კანონსა, ოქტომბერში დაიწყება არჩევნები და ნოემბერში, შაჰის დაპირებისამებ პარლამენტი შეიკრიბება. საჭიროა ვიცოდეთ თუ რა ღირებულებისაა ეს საარჩევნო კანონი? თუ მივიღებთ მხედველობაში, რომ ამას წინაზე „რეჩის“ კორეპოდენტს შაჰიმ სთხოვა რუსეთის ღუმის საარჩევნო კანონის ერთი ეგზემპლარი, რაც მაშინვე კორეპოდენტმა დეპეშით დაიბარა პეტერბურგიდან, და მას, რომ ეს კანონი ეგზავნება რუსეთის ელჩს გადასასინჯათ, აშკარაა, რომ ეს იქნება რუსეთის ღუმის საარჩევნო კანონის კოპია არც მეტი, არც ნაკლები, მხოლოდ რამდენათ იქნება ის გატარებული ცხოვრებაში, ამას მომავალი დაგვანახებს.

ც ა ს .

ცავ! რას დაგვცქერი უსიცოცხლოდ გარინდებული, რას მდუმარებ ყრუდ ხშირად მქროლი დაუდგარი, შურის ძიების შემომქმედო, უკუგდებული მოიხმე ირგვლივ ძალთა ძალი შეუპოვარი, რად არ იგრგვინებ, არ დაჰქექავ განრისხებული, ნუ თუ ძლეულ არს ძლიერება შენი მედგარი? მაშ, რისთვის სდუმხარ, რისთვის მეთქი გაყუჩებული და არ გაისმის სტიქიური ხმა უშიშარი? ოხ, მეზიზღები! მძულხარ, ცაო, სახე მცინარე როს დედამიწას ამ ჯოჯოხეთს კუპრ-ცეცხლ-დანთებულს სრულად ვერ აქრობს, ვერც ანელებს ცრემლთა მდინარე, და შენ კი გულ-ქვად დასცქერ ამ ცეცხლს ავარვარებულს, ჰოი, ზეცაო, გესმის ლაღადი, ნუ იყრუებ ყურს, გადმოჰხედევი გადაბუგულ მაშვრალთა მხარეს, ნუ აღმოიხეთქავ მათს გულიდან კრულვას, საყვედურს,

შეაშრე ცრემლი გატანჯულ ხალხს მარად მწუხარეს. გარდაცალე გულზე ლოდებო შეგი ღრუბელი, რომლის სიშმაგე სულს უხუთავს ბედ-შაგ უბედურს, დაიხსენ იგი, დანთქმას უქადს ის უღმომბელი, ჩაქოლე, სტუორცნე ქვა და ლოდი პირ-ლია უფსკრულს. შშობელთა ცაო, ნუ თუ შველა ჩვენთვის არსით არს, როს სისხლის მსმელნი ყვავ-ყორნები გვახვევიან გარს? რად არ დაქპოლე მძარცველების ბუნაგს, საბუღარს, და არ აღმოფხვრი, ამოჟლეტავ ამ ნიანგთა ჯარს? რად არ იწყნარებ ცრემლთა ნაკადს ნთხეულ-დანაღვარს და არ იბრალე სუსტს მჩაგვრელთაგან ნაგვემ განაშწარს. ისმინე, ცაო! აგვაშორე უფსკრულს შავ საზარს, ნუ მიგვცემ დანთქმას და განსაცდელს უთქმელ საშიშარს, მოიღრუბლე, ცაო! ნუ იწვევ ჩვენს სიძულვილს და ბრახს, მიეც ნიშანი „ლეგიონებს“ მოუწოდე გარს, დასქექე! ამცნე შენი რისხვა „დემონს“ საზიზღარს, იელე-იგრავინე, სტუორცნე მეხი მთასა ბუმბერაზს იქუხე ცაო! აღამხედრე ღრუბელთა ჯარი, შესძარ სამყარო! „აფთართ ბუნაგს“ სტუორცნე ისარი, მოუწოდე ზღვას, ხმელეთს, გრიგალს, ჩამოკარ ზარი! დაანთე ცეცხლი ბრძოლის ცეცხლი, ცეცხლი მძვივარი.

გ. ქუჩიშვილი.

მაღალს წრეში.

(გაგრძელება. იხ. „ჩვენი კვალი“ № 15)

მოქმედება მესამე.

(სცენა წარმოადგენს საროსკიპოს ზაღას. კედლებთან სკამებია გამწკრივებული. ერთ კუთხეში როიალია. კედელზე საათია. პირ-დაპირ ქუჩიდან შემოსავალი კარებია; მარცხნივ მეორე ოთახში გასავალი კარი, როიალზე დამკვეთი ვალსს უკრავს. ქალები მიდი-მოდიან. ღამეა. სანთლები ანთია).

ერთი ქალი. (საათს მისჩერებია) რვა საათია და ჯერ კი არაფერ არა გვწვევია!

მეორე. მოიცადე! ჯერ კიდევ ბევრს მოესწრები (იციინან).

პირველი. (ღიმილით) რაც გინდათ, ისა სთქვით, უკაცოთ მოწყენა.

მეორე. დაიკარგონ ყველა! მდიდრებიც და ღარი-ბებიც ყველა ძაღლებია, ყველა კაპიკს დასტირიან! წინეთ ფულსაც მძღვედენ. მიმასპინძლებოდნენ კიდევ; ახლა არა თუ ფულს არ იძლევიან და არ მიმასპინძლ-დებიან, ლუღსაც კი არ მასმევენ, ლუღს. გუშინ ერთს პაპიროზი ვთხოვე და სადა მაქვს იმდენი ფული, რომ პაპიროზი ვიყიდოვო.

ერთი ქალი. ყველაზე უკეთესი ბებრები არიან. ამას წინათ არ წამაყვანა ერთმა! მგონია, ოთხმოცი წლისა იქნებოდა. (იციინან) ფეხებს ძლივს მოათრევდა! (იციინან) მაშიჯდა გვერდით და ლიტინი დამიწყო. (იციინან) ისიც იციინოდა, მეც ვიციინოდი. გამიმასპინძლ-და საუცხოვოთ. ხუთ მანათიანი დამიტოვა და წაჩო-კინდა!

მეორე. ახალგაზრდები ა აფრათ არ ვარგანან, არა-

ფრათ? ნამეტურ თუ სტუდენტია! გროში კაპიკი არ აბადიათ.

პირველი. არა, სტუდენტები მე მიყვარს! არაფერი აქვთ, სამიგეროთ მხიარული ხალხია და კარგი ლაპა-რაკი იციან.

ერთი ქალი. შენ ალბათ არ გამოგიცდია და მეც ზოგიერთა სტუდენტი მინახავს, უკანასკნელ მედროგეზე უფრო ტლანკია. (ამ დროს მოისმის სიმღერა სტუდენტების: გაუდებამუს იგიტურ, იუვენეს ღუმ სუმუს. ვიტა ნოსტრა ბრევის ესტ, ბრევე ფინიეტურ. პოსტ მალეს-ტამ იუვენტუტემ, ოსტ მალესტამ სენექტუტემ, ნოს ლაბეშიტ ღუმუს. ვივანტ ომნეს ვირგინეს, გრაცილეს, ფორმოზეს. ვივანტ აკადემია, ვივანტ პროფესორეს- სიმ-ღერა თანდათან ახლოვდება და ბოლოს ზაღაში შემოვა ოთხი კარგათ შეზარხოშებული სტუდენტი.)

ქალები. (ერთათ) აა, კოლეგები; კოლეგები! (სტუდენტები ჩაერევიან ქალებში და ხან ერთსა ჰკოც-ნიან, ხან მეორეს. შეიქნება სიცილ-ხარხარი და ჟივილ-ხივილი. მარცხენა კარებიდან გამოვა შუახნის ჩასუქე-ბული ქალი—„მამაშა“. სიწყნარე ჩამოვარდება.)

მამაშა. ბატონო სტუდენტებო! გთხოვთ, წესიერე-ბა დაიცვათ. როცა კი თქვენ შემოხვალთ, მაშინათვე ერთი აურ-ზაური უნდა ასტეხათ.

ერთი სტუდენტი. მამაშა! ნება მიბოძეთ, ხელზე გაკოცოთ! (წაიწვეს ხელზე საკოცნელათ, მაგრამ „მამაშა“ ხელს აუქნევს) თქვენ ნუ შესწუხდებით, ძვირფასო მა-მამა, მხიარულებას კი ნუ დაგვიშლით.

მამაშა. იმხიარულეთ, რამდენიც გენებოთ, ხოლო ნამეტანს ნუ ჰზამთ.

მეორე სტუდენტი. ამხანაგებო! წინადადებას გაძ-ლევეთ, რომ ჩვენი ძვირფასი მამაშა მალლა ავი-სროლოთ! (სტუდენტები გაექანებიან მამაშასაკენ, მამაშა უკან გავარდება. ქალები იციინან. დაიბერენ ერთ ქალს და მალლა აისვრიან, შემდეგ მეორეს, მერე მესამეს. საერთო სიცილია. შემდეგ სტუდენტები ჩამოსხდებიან და თავებს აქნევენ დაღალულობის ნიშნათ).

ერთი სტუდენტი. (ცოტა სიჩუმის შემდეგ) ამხანა-გებო! ვიცევათო! მუზიკა ტაპირო! (დამკვეთი მიუჯ-დება როიალს) ვალს! (უკრავს ვალს, სტუდენტები და ქალები თამაშობენ). მაზურკა! (უკრავს მაზურკას; სტუ-დენტები და ქალები თამაშობენ).

ერთი სტუდენტი. (თამაშის შემდეგ) ამხანაგებო! მოდით ვიმღეროთ! (ვიმღეროთ, ვიმღეროთ, ისმის ხმები. შეგროვდებიან ერთათ და დაიწყებენ: Вы жертвой пали в борьбе роковой любви беззаветной народу. ამ დროს გამოვარდება მამაშა და გააწყვეტინებს სიმღე-რას).

მამაშა. გაჩუმდით, გაჩუმდით! (ხელებს აქნევს) თუ ღმერთი გრწამდით! პოლიცია შემომივარდება.

სტუდენტი. პოლიციას აქ რა უნდა? აბა მოვიდნენ! სულ კბილებს დაგამტვრევთ.

მამაშა. ყველაზე უმაღლ თქვენ დაიმ-ლებით და მე

კი შევრჩები ხელში! (იციინან) სხვა რამე იმღერეთ, თუ გინდათ (გადის).

ერთი სტუდენტი. ამხანაგებო! მოდით, დავაარსოთ სახელმწიფო ღუმე. (სიცილია. ჩინებულია, საუცხოვოა, ისმის ხმები).

მეორე სტუდენტი. ამოვირჩიოთ თავმჯდომარე. (ხმები: შენ იყავი, შენ თვითონ). ძალიან კარგი. (დაჯდება. სხვები იქით-აქით მოუსხდებიან. ჩაახველებს). დიდ მადლობას ვსწირავ საზოგადოებას ასეთი პატივისათვის და ვფიცავ, რაც დედამიწის ზურგზე როსკიპი ქალებია, იმათ სახელს, რომ მე ჩემი მოვალეობა პირნათლათ შევასრულო. (საერთო სიცილია) საროსკიპოს წარმომადგენელნო! მორიგი საკითხი არის ქალთა თანასწორობა.

მესამე სტუდენტი. ბატონო თავმჯდომარე! გთხოვთ სიტყვის ნებას.

თავმჯდომარე (თავს უკრავს თანხმობის ნიშნით). სიტყვა ეკუთვნის დებუტატს სერიოზის, საროსკიპოს საპატიო წევრს (სიცილია).

მესამე სტუდენტი. საროსკიპოს მოქალაქენო! მაშაკი და დედაკაცი სრული თანასწორნი უნდა იყვნენ. ამიტომ მე შემომამქვს კანონ-პროექტი, რომლის ძალითაც ყოველ ქალაქში, სადა კი ქალების საროსკიპოა, უნდა გაიხსნას მამაკაცების საროსკიპოც. საზოგადოება უკვე დიდი ხანია მომწიფებულია ამგვარი რეფორმისათვის. (საერთო სიცილია).

თავმჯდომარე. მიიღებთ თუ არა პატივცემული დებუტატის კანონ-პროექტს? (ხმები: მივიღებთ, მივიღებთ!)

ერთი სტუდენტი. ძირს თავმჯდომარე და ღუმე! გაუმარჯოს მაჩიჩს! ტაპიორ, მაჩიჩი! (დამკვრელი მაჩიჩს უკრავს, სხვები თამაშობენ, შემდეგ სიარულს დაიწყებენ ხელი-ხელ გაყრილი. შემოდის ორი აფიცერი და ქალებს დაუწყებენ ორივე თვალიერებას).

პირველი აფიცერი (ერთ ქალზე უთითებს). იმას არა უშავს რა.

მეორე. არა უშავს რა, გვარიანია. წამოიყვანე. მეც აი იმას წამოვიყვან (მიუთითებს მეორეზე. მივლენ არჩეულ ქალებთან, ელაპარაკებიან, უცინიან, ნიკაპზე ხელს მოჰკიდებენ, ლოყებზე ბჭენენ, შემდეგ ოთახში გასავალ კარებისაკენ წამოვლენ. იქიდან ამ დროს „მამაშა“ გამოვა.)

ერთი აფიცერი. მამაშა, დაგვიზადეთ კარგი ვახშამი და კარგი ღვინო. (მამაშა თავს უკრავს და გაბრუნდება. აფიცრები ქალებიანა უკან გაჰყვებიან).

ერთი ქალი (თვალს გააყოლებს აფიცრებს). ჰმ, ჯოჯო! იმ აფიცერს სულ მე მიყვავდი და ახლა კი ეგ შეეჩხირა ხელში. ჯოჯო! (გაბრუნდება).

მეორე ქალი. აი ამისთანა სტუმრები მესმის! კარგი ვახშამი და კარგი ღვინო! როგორ მოგწონსთ, ჰა! კარგი ვახშამი და კარგი ღვინო! (სტუდენტებს) თქვენ კი ლუღბედაც არა გვპატივობთ.

ერთი სტუდენტი. ეი, მოგვიტანეთ ლუდი! ლუდი! (ერთი ქალი გაიტყევა კარებისაკენ, მალე მობრუნდება, თან მოჰყავს მოსამსახურე, რომელსაც ბოთლებით ლუდი მოაქვს და ჰქვები. მოსამსახურე ბოთლებს ხსნის და ჰქვებში ასხამს. ქალები სვამენ).

მეორე სტუდენტი. (ჰქვას აიღებს ხელში) ვსვამ თქვენს სადღეგრძელოს, მშვენიერი სქესის წარმომადგენელნო! თქვენ რომ არ იყოთ, ჩვენი საქმე გლახათ იქნებოდა (სვამს).

მესამე სტუდენტი (ჰქვით ხელში). თქვენა ხართ მსხვერპლი არსებული კაპიტალისტური წყობილებისა. გისურვებთ, რომ მალე დაიქცეს ეს წყობილება, ეს ქედლები, რომლებიც თქვენ გამიცირებთ და კარი გაეღოს თავისუფალ სიყვარულს. (სვამს. შემდეგ ფულს ამოიღებს და დადებს საინზე).

მეოთხე სტუდენტი. (ამხანაგს) შე ოხერო, მეტი თავისუფალი სიყვარული იქნება: ამდენს ქალებში რომელსაც მინდა, იმას ვაკოცებ. ასე არ არის, ჩემო მარგალიტებო? (ქალებს) მე რჩები არ ვიცი (ჰქვას მალა ასწევს) იცოცხლეთ მანამდე, სანამ მე არ შემძულდეთ (სვამს).

პირველი სტუდენტი. ჩემო ძვირფასო კანაშკებო! იცოცხლეთ მანამდე, სანამ მე ქალები არ შემძულდეს. მერე კი, მერე სულ ყველა გაწყდით (სიცილი). სტუდენტი მღერის და სხვებიც მღერიან: ვივანტ ოძნეს ვირგანეს, გრაცილეს, ფორმოზეს. ვივანტ აკადემია, ვივანტ პროფესორეს. სიმღერით და თავის ნევით გადიან. ქალები დასერიობენ.)

ერთი ქალი. სტუდენტები. ამიტომ მიყვარს ფული არა აქვთ, მაგრამ გულით მდიდრები არიან, მხიარულება უყვართ.

მეორე. მე კი აფიცრები მარჩვენია: მხიარულიც არიან და ფულიცა აქვთ. მშრალ მხიარულებას რა თავში ვიხლი?

მესამე. მაგათ თითო ქიქა ლუდი ძლივს დაგვალევივს და მანკა და ტანია ახლა კი ბივშტეკსა და ღვინოს შეექცევიან აფიცრებთან.

მეოთხე. ის, ჯოჯო, ისა! დამაცადოს ყოველთვის წინ უნდა წაეკებოს და კარგი მუშტარი წამართვას.

მეხუთე. მე კი ბებრები მიყვარს. იმათ მხოლოდ ლიტინი იცაან, მეტი არაფერი (სიცილია) ფულს კი კარგათ იძლევიან. (ერთი მეორეს წასჩურჩულებს ყურში, შემდეგ მესამეს და ხმა მალა გადიკისკისებენ. შემოდინ ოთხი შუახნის მოხედელები. მოვრალეები არიან; გაერევიან ქალებში და დაუწყებენ ალერსს.)

ერთი მოხელე. სილანს! ბატონი პროკურორი უნდა ვათამაშოთ.

მეორე (რომელიც პროკურორია). ჩემს დულტონესთან დიდის სიამოვნებით (გვერდში მდგომ ქალს ნიკაპზე მოჰკიდებს ხელს).

პირველი. ანტონ პავლოვიჩ! გავიხსენოთ ჩვენი ახალგაზრდობა.

მეორე. დიდის სიამოვნებით, მაგრამ მეშინია: ვაითუ წავუღლო რამე აქედან ჩემს ცოლს. (იციან თვითონ პროკურორი მადიანათ ხითხითებს და თავის გვერდში მდგომ ქალს ნიკაპზე უსვამს ხელს.)

მესამე. გადავაფურთხოთ ეშმაკს და, რაც იქნება, იქნეს.

მეოთხე. ცოადვილი კაცი ვარ: თვეში ერთხელ რომ არ შამოვისიერნო აქეთ, არ შემოძლია; მაგრამ ღვთის წყალობით ჯერ არაფერი მიმიტანია აქედან ჩემი ცოლისათვის. (საერთო სიცილია)

მეორე (პროკურორს) სტეპან პავლოვიჩ! როგორ არ გრცხვინია! მერე უჩვენოთ დადიხარ?

მეოთხე. თქვენ ახლაც ძლივს წამოგიყვანეთ და!

მეორე. ეგ, რაც იქნეს და იქნეს! (აირჩიევნ ქალებს და გადიან. ქალები დასერიობენ, იციან, დახტან. შემოვა ლოთი, პირველ მოქმედებაში რომ იყო და ბარბაციტ შეაჩერდება ქალებს).

ლოთი. (თავსა და ხელებს აქნევს და იცინის) აახ, თქვე კანაშკებო, თქვენა! მოდიოთ რაღა, მაკოცეთ, ერთმა აქა, მეორემ აქა, მესამემ აქა! (ჯერ ერთ ლოყაზე იდებს ხელს, მერე მეორეზე, შემდეგ შუბლზე. ქალები მიჩერებიან და იცინიან. ლოთი თვითონ დაედევნება ბარბაციტ ხან ერთს, ხან მეორეს, ხან მესამეს. ქალები გაურბიან და იცინიან.) სულ ყველას გადაგოცნით, სულ ყველას. მე საშინლათ მიყვარს ქალების კოცნა. ქალი და ღვინო ყველაფერს მირჩევნია, ყველაფერს! (შედგება) ეეი! კანაშკებო! (ხელებს გაშლის) მაკოცეთ რაღა! (გამოუდგება კიდევ ქალებს. ერთი ფეხს გადუდებს და ლოთი ძირს გაიშლება. ქალები იცინიან, შამოხეხევიან და წიხლებს წაჰკრავენ კისკისით. ლოთი ნელა-ნელა წამოდგება. გაჩერდება ღონჯებით და თავს აქნევს) ეეი, მომიტანეთ ღვინო, ღვინო! ჩემი კანაშკების სადღეგრძელო უნდა დავლიო! თუმცა მე ცოლი მყავს, მაგრამ ჩემი კანაშკები მაინც მიყვარს. ეი, ღვინო! (გამოვა ლოთის ყვირილზე მამაშა).

განი.

(შემდეგი იქნება),



შ ი მ შ ი ლ ი ს ო ზ ლ ა თ .

—:—

თუმცა ცა მოკრიალებული იყო, მაგრამ ისე ჰყინადა, რომ დედამიწაც კი იკრუნჩხებოდა. ცივი ქარბუქი ადამიანს ძვალსა და რბილში ატანდა და ამოწვევდა. მთელ ქალაქს, სადაც სიცოცხლე მუდამ ღულს და გაღმოდის, იმ დროს თითქმის ეძინა და ისე იყო მიყრუებული, რომ აქა-იქ ქარისაგან გაჩერებულ ტრამვაის ვაგონებს თუ შეამჩნევდით, თორემ მათ მეტს, ქეციან ძაღლსაც ვერსად ნახავდით. მოვრბოდი მეც სა-



შ ი მ შ ი ლ ი ს მ ს ხ ე რ ა ლ ი .

მსახურიდან მშვიერი და დაღლილ-დაქანცული. გული ბოროტებით მელრინებოდა, საშინლათ ებრაზობდი, მაგრამ მე თვითონაც არ ვიცოდი, ვისზე და რისთვის; მხოლოდ როდესაც სასტიკმა ყინვამ ჩემს, ისედაც დაღლილ სხეულს, შეუბრალებლათ მუხრუჭი მოუქირა და ფილტვებამდინ შეატანა, როდესაც ცივმა ქარმა დაქანცულ თვალებში ერთი ფუთი მტვერი შემომაცარა, მაშინ ამომხდა წყევლა-კრულვა ჩემი გაჩენის დღისა, შეჩვენება მუდმივ ტანჯვისა და სხვათა ბედნიერებისა. სიბრაზისაგან კბილებ დაკრეკილს მინდოდა გზაზე ვისმე დაეჯახებოდი, რომ მერე მაზე ჩემი ჯაფრი ამომეყარა, მივრბოდი ღიღინას, მაგრამ ადამიანიშვილს არ შევხვედრივარ და ეს უფრო გულს მიშფოთებდა, რადგანაც ის არე-მარე მხოლოდ თავისუფალ ქარს დარჩენოდა, რომელიც კენესა-გრილით მარტო მომწყვდევს ისე

სასაცილოთ მათამაშებდა, თითქო ყველა ჯავრს ჩემზე ყრილობდა. როგორც იყო განვლე ეს ქუჩა კენესა-წუხილით და როდესაც ერთ ფართო ქუჩისკენ შევეუხ-ვიე, იქ ერთ მაღაზიასთან ადამიანის მსგავსი რაღაც, ძონძებში შებორბლილი შევამჩნიე. იდგა საბრალო მარ-ტოკა და მოძრულ ფეხებს ფილენჯის ქარიანივით სა-ცოდავით აბარტყუნებდა. მე რომ თვალი შემასწრო, უეცრათ კუთხეს თავი ანება და წინ გადმოემდობა.

— ქალბატონო! შენ თავს შემოგველე, იყიდე ეგ ჩირები და ტყლაპი, იაფათ მოგცემ, შენი ქირიმე, იყი-დე, თორემ მოგვკდი სიცივით, აღარ შემოძლიან ამდენი დგომა, რომ არ გამეყიდოს კი დალუბვით დავილუბები ღვთაების მადლმა! — შემომძახა უეცრათ ისეთ ხმაზე, რომ გულ-დამშვიდებული ადამიანი რომ შეხვედროდა, უეცრე-ლათ ატირდებოდა; მე კი, იმის მაგივრათ, რომ ან ჩქა-რა გვერდი ამექცია, როგორც მრავალნი სჩადიან, ან კიდევ დამეფასებინა მაინც, ერთ ალაგას გაქვავებული-ვით შევეჩერე და თავით ფეხამდე ისეთი თვალით ავ-ზომე, რომ საბრალო უეცრად შეძრწუნდა და უკან დაიხია. არ შემოძლიან გამოვსთქვა ის, რასაც მაშინ ჩემი გული და გონება გრძნობდა, არ შემოძლიან იმი-ტომ, რომ ყოველი სიტყვა მისთვის მიუდგომელი და უფერული იქნება...

— იყიდე, ღმერთი გაგაძლიერებს, — გაიმეორა უფ-რო ჩუმათ, თითქოს ვედრებით და თან კი შეშინებულ-მა უფრო უკან დაიწია. აქ კი როგორც იყო დაძლიე ჩემს გრძნობას და ათრთოლებულმა გოცვებით შევ-სძახე:

— ბიჭო, მიხა, შენა ხარ! ნუ თუ ვეღარ მცნობ? გამარჯობა შენი!

ამის გაგონებაზე მან ერთი ნაბიჯით კიდევ უკან დაიხია, მხრიდან დაგლეჯილი ხურჯინი მოიშორა, ჩამოფხატული ნაბდის ქუდი მალლა აიწია და ახლა კი თამამათ შემომამჩერდა, თუმცა სახე სრულიად გალურ-ჯებული ჰქონდა სიცივისაგან, მაგრამ გამომეტყველება კი ერთ წამს შეეცვალა.

— აი ვენაცვალე ღვთის განგებასა! დაიცა შე-ნი ქირიმე... შენა... ჩვენი ა... არა ხარ? — შემომეკითხა იმედ მოცემულმა ღიმილით, ჩირები მეორე ხელში გა-დაიწყო და, შეშის მსგავსათ, გაყინული მარჯვენა გამო-მიწოდა.

— ვენაცვალე ღმერთსა... ქალაქსა ხარ განა, რა... — აქ კიდევ რაღაც უნდა ეთქვა, მაგრამ ამ დროს ქარ-მა ისე მკაცრათ დაბერა, რომ მტერის ბურუსში გა-ხვეულთ სუნთქვა შეგვიკრთო და ერთი მეორეს კინა-ლამ გვახალა. რა თქმა უნდა, იქ დგომა და ლაპარაკი ყოვლად შეუძლებელი იყო, ან კი რა ემუსაიფებოდა გათოშილ, დაღლილ და მშოიერს კორიანტელში, როდეს-საც გული ვინ იცის რა გვარი სევდებით ესერებოდა. დასვენება უჭირდა საბრალოს, მაგრამ საუბედუროთ გა-ნა და შემეძლო იმის ფიქრი, რომ შორით მოსული, ჩემი მიწა-წყლის შვილი, პატარაობის ძვირფასი ტოლი

და ამხანაგი სახლში მიმეპატიუა და თავმომწონე ახალ-გაზრდა, მაგრამ შიმშილისაგან დამცირებულ და განა-დგურებულისათვის ღვიძლ ძმასავით გული და სული გა-დამეშალა, სევდით სავსე, ნორჩი, მაგრამ ვაებისგან უდროვით დახშული გული ტბილი სიტყვით დამე-ტკბო და მენუგეშებინა? დიახ, არ შემეძლო, რადგა-ნაც, ხომ მოგეხსენებათ, პაწია და ყველასათვის უმნი-შვნელო მოხელის ცხოვრება? უდედ-მამო და უსახლ-კა-როს თავი ორ გროშათ სხვის კერას მქონდა შეფარე-ბული და ერთი უსაბედო დიდი ლუკმაც კი მეყვედრე-ბოდა... მაგრამ... ეჰ... თქვენ თვითონ მიხედვით, მკი-თხელო, ჩემს მდგომარეობას და ეგ თქვენი თანაგრძნო-ბა უფრო უკეთ გიკარნახებთ მაშინდელ ჩემს გარემოე-ბას. კიდევ დახე ბედნიერებას! იმ დღეს, თუმცა დალო-ცვილ ოცს გადაცილებული იყო, მაგრამ, თითქოს გან-გებ, ჯამაგირი ავანთყოფობის გამო დამიგვიანდა და წინა დღით მიღებულიდან ჯიბეში სამი მანეთი მიჩხაკუ-ნებდა. გამახსენდა თუ არა ეს ბედნიერება (ბედნიერე-ბას იმიტომ ვუწოდებ, რომ ოცში, სანამ სამსახურს გა-ვათავებდი, მანამდისინ ჩემსაგებ გაქივრებული მოვალეე-ბი და სახლის პატრონი ქალი გარედ, კარებში შელო-დენ და იქვე მძარცვავდენ) მიხა ერთ წამს მაღაზიაში შევიყვანე და იქ მყოფთ დასვენება და საუზმე მო-ვთხოვე.

— აბა ახლა მიაშბე, ჩემო მიხა, დაწვრილებით, როგორ არიან ჩვენი სოფლები, ან შე დალოცვი-ლო, საქმე ისე როგორ გაგქირვებია, რომ ამ ჯოჯო-ხეთ დღეს მხოლოდ ჩირებისთვის იყინებოდი? — შევეკი-თხე მე, როდესაც დამშეულმა სამი გირვანქა პურით და ძხვით ცოტაოდნათ კუჭი ამოივსო და სიცივისაგან და ქარხლებულტრემლ მორეული თვალები მწვავე ღიმი-ლით შემომანათა.

— ეჰ, შენი ქირიმე, რაღა რა ამბავია, ე შენი ბრძანებისა არ იყოს, ამითანა ჯოჯოხეთ ზამთარს, ამო-დენა კაცი ვარ, ჯერ არ შევეყრია, — მიპასუხა რამდენიმე ხნის სიჩუმის შემდეგ, დაბლა დახრილი თავი სა-სოწარკვეთილებით რამდენჯერმე მძიმეთ გაიქნია და ნე-ლა განაგრძო:

— აბა, შენი ქირიმე, საიდან დავიწყო, ან რომე-ლი ერთი ვარამი და გაქირვება გადმო-გცე. განა შენ თვითონ არ მოგეხსენება, თუმცა ე ჩვენი საწყალი გლეხ-კაცი მუდამ შიმშილს და სიცივეს დაჩვეულია, მაგრამ ე წრეულს კი მეტი ღვთის რისხვია. წორეთ გაგონები-თაც არ გამიგონია ი ჩემი მამა-პაპისაგან ასეთი ამბავი, რასაც ეხლა ვხედავ, მგონი ომიანობის დროსაც არა ყოფილა ის უბედურება, რაც ეხლა ხდება. კოდი პური უწინ რვა აბაზი იყო და ახლა კი რვა მანათ ზევით აღის, ისიც საშოვრათ არ არის. სიმინდისას ხომ ნულა-რას იტყვი. კიდევ ჩვენი ბედი, რომ წრეულს ბევრი ხი-ლი მოვიდა და ემითანა ჩირ-ჩურებით ვირჩენდით თავ-სა, თორემ შენი მტერი, რომ ჩვენ საქმე დაგვემართე-ბოდა. ცეცხლია წორედ ეხლა სოფლათ ცხოვრება,

ცეცხლი. ე ბავშვების საცოდაობამ ხომ ცოდვით აგვამს სო, მაგრამ ვინ არის ჩვენი პატრონი. გლეხ-კაცის სიმდიდრეს, მის ბედს და უბედურობას ერთი უღელი ხარ-მდიდრის შეადგენდა და ისიც ლამის ხელიდან გამოგვეცა-კამენი, ცარიელი ძვლებივით და აღრძვიან საწყლები ამ ქალაქი დაღეს ბაგაზედ და გააქეთ უბედურათ ღმუილი. იმ დღე საწყალი ჩემი ნიკორა მეტი სიმშოლისაგან ნებ-ვიან ფიხის ცოცხს ჰკენეტავდა და თან გამწარებული ღმუილით გულ-საკლავათ ხელებში შემომტკეროდა, ქათმებისა და დანარჩენ წვრილფეხობის განაგისი ხომ ალარისად არის. ბევრს შიმშილით დაეხცა, ბევრმა კი-ორ-ორ ჯამ ფქვილზე გადაცვალა და ე ბოლო დროს კი, ერთის სიტყვით, ყველა შიმშილისგან სინსილის გაწყვეტას და ველით, თუ ე ტიალი სიცივე თავისას არ დაიშლის და გაზაფხული დროით არ წამოგვეწვევა. „ქრიჭ-ტემ“ დასწყევლოს წრევანდელი ზამთარი; წამოაზებრავს თუ არა ის გასაოხრებელი ზენა ქარი, ასეთ კორიან-ტელს აყენებს, რომ ძაღლი არ გაიგდება გარეთ. ესეც წორედ ჩვენი ცოდვის კითხვაა, შენი ქირიმე. ახლა ზედ დატანებაზე ე ქურდობასაც მოუხშირეს. ვისაც კი ჯინ-ში ორიოდ ტარო სიმიინდი ეგდო, თვალთი აღარ და-ანახეს; ან კი რა გასამტყუნებელი არიან? შიმშილი, შე-ნი ქირიმე, ასეთი მხეცია, რომ ადამიანს ყველას გა-აბედდებეს.

მიხა აქ ცოტახანს შეჩერდა, ერთი ღრმით ამოიო-ხრა, თავი უფრო დაბლა დაჰხარა და ნელი ხმით განა-გრძო:

— ხომ მოგეხსენება, უბედურ კაცს ქვა აღმართ-ზე მოეწვეო. ე ანდაზა წორედ ჩვენ საწყალ გლეხ-კაცზე არის ნათქვამი. ი დალოცვილმა ღმერთმა ე შიმ-შილი რო არ გვაკმარა, ახლა ი რაღაც უცნაური ავად-მყოფობა საიდლანაც გამოგვიტყვიანა და, ერთი სი-ტყვით, მთელი სოფელი დააწიოკა. ისე ცვივა ხალხი ი ოხერი მუცელაა, თუ რაღაც ჯანაბა, როგორც პანტა. გუშინ წინ საღამოს, ქრიჭტემ დასწყევლოს ის დღე, საწყალი მიამ ჩემი ბუხრი წინ იჯდა და მოძრულ ფე-ხებს ითბობდა. დედა ჩემიც იქვე ორიოდ ჯამ ფქვილის ცოცხსა ზელავდა. უეცრათ მამაჩემმა ერთი კი წამოიკვნე-სა, არიქა, მიშველეთ, გულ-შემომეჭიდაო, — დაასხა, ბა-ტონო, თავით ფეხამდინ ცივი ოფლი და ნახევარ საათ-ში უბედურს კაკანათივით კი სული გაეყრევინა.

აქ მიხამ კიდევ ამოიოხრა, თითქოს სულის მოსა-ბრუნებლათ შეჩერდა, წვივიდან წითელი ხელსახოცი მოიხსნა, თვალები მოიწმინდა და განაგრძო:

— სიკვდილი თავისთვის იყვეს, შენი ქირიმე, ან კი რა საჭიროა ჩვენისთანა უბედური ხალხისათვის სი-ცოცხლე, როდესაც სიკვდილ-სიცოცხლე, ჩვენთვის ორივე ერთივე ქირია, თორემ ამითანა უბედურობა და გაგი-გონია, შენი ქირიმე; ი ჩვენმა ოჯახის ბურჯმა ხომ სა-ხლის კარები გამოგვიკეტა, ცეცხლზე წყალი დაგვისხა, მაგრამ მე კი, მე უბედურს, იმდენი წელი არ შემწვე-და, რომ მოამაგე მშობელი ქრიტიანულათ და პირნათ-

ლათ მიწისთვინ მიმეზარებინა. თითქმის სამი დღე იდო მკვდარი სახლში და ი შეჩვენებული მღვდელი კი უფუ-ლოთ სახლიდან გამოსვენებას არა თანხმდებოდა. ბარემ ბევრი ვებევწე, ხელ-ფეხს ვულოკავდი, რადგანაც დედა ჩემისა და ბაღვლების საცოდაობით გულ-მუცელი მეწო-და, კიდევ დაეპირდი შემდეგში ერთი ორათ გადაგინდი-მეთქი, მაგრამ იმ იუდის კერძმა არ შემებრალო და გა-დაქრით გამომიცხადა, სანამ წინ გასაძლოლს სამ მანათ ფუღს არ დამითვლი, მანამდინ შინიდან ფეხს ვერ მო-ვიცვლიო. რაღას ვიზამდი, შენი ქირიმე, ი ოხერა ოჯახში ერთი გადამღრძვალ ნიკორას მეტი, კატაც კი არ მიკნაოდა და რას გავხდებოდი. ავდექი და ი მე-დუქნე სინკასთან ჩავიბრინე, ერთი მანათი რის ვაი-ვა-გლახით იმას ვესესხე, ერთი ათ შაურამდინაც, ღმერთ-მა მშვიდობა მისცეთ, ი ჩვენმა მეზობლებმა თითო-ორ-ოლ კაპიკობით შემომწირეს და მერე, რაკი სახლში გა-საყიდი არა მეზადა რა, ე ჩირებ წამოვესვი ხელი და დავადექ ქალაქის გზასა. ო... ო... წმინდა გიორგიმ დასწყევლოს ის წვალეზა, რაც მე გზაში გამოვიარე. ასე ოხრულათ ჰყინავდა და ისე ჰქროდა ი ქარი, რომ რატომ ერთი ორჯელ მაინც არ ამატირა ამოდენა ვაჟ-კაცი. ჩამოვადწიე; როგორც იყო, ქალაქსა, შენი ქი-რიმე, და ახლა აქ გადმიწყდა იმედი, დილას აქეთია მთელი ქალაქი დაუსვენებლივ მოვიარე, თავი გამისკდა ყვირილით, მაგრამ ე ჩემი ყვირილი ტიალ ქარს ჯან-დაბისკენ მიჰქონდა. ბოლოს ისე გავებზრდი, გულმა ისეთნაირათ დამიწყო ჯავრისაგან ტოკვა, ახლა ზედ დატანებაზე ე ტიალი შიმშილი და სიცივე ისეთნაირათ მომერია, რომ გადავწყვიტე ე ძაღლ სიცოცხლისათვის შემეფუტოხებინა, მეშვირა ფეხი და ღვრია მტკვრისა-თვის მიმეცა თავი, მაგრამ, ჰეი! ვენაცვალე ღვთის გან-გებას, არც ისე გავუწირიკარ, როგორც მეგონა... კი-დევ რაღაც უნდა ეთქვა, მაგრამ საბრალომ მეტი გრძო-ბით ენა ველარ მოატრიალა, უეცრათ სიტყვა შესწყვი-ტა და ერთხელ ისე შემომხედა და ისეთნაირათ ჩაიცი-ნა, რომ არავითარი სიტყვა მას არ შეედრებოდა... კაი ხნის ლაპარაკისა და დასვენების შემდეგ გავისტუმრე საბრალო მიხა ჩირებივთვე უკან. ბევრი მეხვეწა, ორ მა-ნეთ ნახევარში ჩირები მაინც აიღეო, მაგრამ, როგორც იყო დავარწმუნე, რომ ჩირები ჩემთვის სრულებით სა-ჭირო არ იყო იმ დროს, როდესაც იმას კვლავინდებუ-რათ პურის მაგივრობას გაუწევდა.

დავბრუნდი მეც სახლში დაქანცული გონებით და სულით. აქამომდე დაუკავებელი ბრაზი და ცეცხლი ახლა ღრმა სევდათ და გამოუთქმელ ნაღველათ შეე-ცვალა—ჰე, რა სასაცილოა და დიდი ცოდვა, საბრალო მამლარო, უკეთესზე ფიქრი და მისწრაფება იმ დროს, როდესაც შენ საყვარელ სოფლათ და ყველგან შენს გარშემო შენზე უბედურთ წვა და დაგვაში ფუტ-ფუტი გააქეთ, ამომძახოდა გულის სიღრმიდან რაღაცა ხმა და ეს ხმა მთელ ჩემს არსებას ცეცხლს უკიდებდა.

სქვიბი.

პ რ ო ბ ი ნ ც ი ა

ქ. სოხუმი. დღევანდელმა პოლიტიკურმა მდგომარეობამ თავისებური დიდი დასვა განსაკუთრებით ჩვენს სოხუმს და ისევ ძველ კალაპოტში ჩააყენა. აქ კვლავ „მყუდროება და მშვიდობიანობა“ დამყარდა... ბევრმა ყოფილ „სოციალისტებმა“ აიხადეს პირბადე და რეაქციის კალთებს შეაფარეს თავი.

დაბეზლება, ქორიკანობა და პიროვნების ფეხ ქვეშ გათელვა-ეს ჩვეულებრივი მოვლენაა.

ინტელგენტების მხრივ თუმცა სოხუმი არ მოძულდება ღმერთს, მაგრამ ამ უკანასკნელთ ყავახანებში კარტ-ნარდის თამაში და ბულვარის ტკეპნა უფრო ეხერხებათ, ვინც ისეთ მიზნებისადმი სამსახური, რომელიც შეადგენს მათ პირდაპირ მოვალეობას. რაიმე კულტურულ-გამანათლებელ დაწესებულებებზე ზრუნვა და სხვა-ყველა ეს მათთვის მეორე ხარისხიანია, ან თითქმის უკანასკნელ კითხვას შეადგენს. ამ ბოლო ხანს, როგორც გავიგეთ, რამდენიმე პირს განუზრახავს სახალხო უნივერსიტეტის შესახებ ზრუნვა, რასაც არ შეიძლება სიხარულით არ მივეგებოთ, მხოლოდ ვშიშობთ კი, რომ ეს განზრახვა არ დარჩეს, „ხმად მლაღლებლისა“... როგორც იცით, განზრახვა ამა თუ იმ საქმისა ადვილია, ხოლო შესრულება კი მოითხოვს შესაფერ კლას და ენერგიას, და ამ მხრით კი... ყოველ შემთხვევაში ვისურვებთ, რომ ჩვეულებრივ უგულობას აქ ადვილი არ დაურჩეს.

კ ა ე შ ა ნ ი .

აკეთის საზ. (გურია). სამწუხარო, გულის მომწყვლელ სურათს წარმოადგენს დღეს სოფლის ცხოვრება. საზოგადოებრივი რეაქცია, ბნელ ძალთა თარეში, სიმშლილი, მრავალგვარი ავთიმყოფობა-ყველა ეს უნუგეშო მდგომარეობაში აგდებს სოფელს. ასეთია მდგომარეობა საზოგადოთ და ჩვენი აკეთიც ხომ ვერ გაექცეოდა აღნიშნულ უბედურებათ...

ერთათ ერთი სამწუხარო მოვლენა, ეს საშინელი გულგრილობაა. ხალხი რაღაც ძალდატანებით ეკიდება ყოველივე საზოგადო საქმეს. სამაგიეროთ პირადი კინკლაობა, შურის ძიება, კარტის თამაში, და სხვა ასეთები, უფრო პირველ ადგილს იკერენ. განსაკუთრებით კარტის თამაში ძალიან გავრცელებულია. თითქმის ყოველ დღე დუქნებზე გახურებული თამაშია, რასაც ხშირათ ჩხუბიც მოსდევს ხოლმე...

შიმშილმა მკაცრათ ჩაასო თავის ბრკეალები ხალხს. თითქმის ყოველ დღე ნახავ ტომრით ხელში სოფელში მოსიარულეს... ხშირათ შეხედებით აგრეთვე სამწუხარო სცენებსაც: ამას წინათ მაგ. ერთ შეძლებულ გლეხისას მივიდა სიმინდის საყიდლათ ერთი 16 წლის ბავშვი. როცა უთხრეს, რომ სიმინდი არ არისო. ბავშვს ტირილი აუტყდა და იქვე ჩაიკეცა. აღმოჩნდა, რომ სამი დღის განმავლობაში ხილის გარდა არაფერი ეჭამა. ასეთი შემთხვევები ხშირია...

წრევანდელი მოსავალი აღარ იძლევა იმის იმედს, რომ მომავალშიც მაინც უზრუნველ ყოფილი იქნებიან შიმშილისაგან. ჯერ იყო და ხანგრძლივმა გოლგებმა გაუჭირა საქმე მოსავალს, და ეხლა კი ისეთი წვიმები მოვიდა, რომ რაც გოლგამ დააქოლო-ამან შეუსრულა. საზოგადოთ უკანასკნელმა წვიმებმა დიდი ზიანი მიიყენეს ყანებს.

მრავალგვარი ავთიმყოფობა, რომელიც შიმშილობისა და გაჭირვების უტყობელი თანამგზავია, მთლათ წელში სტეხს ხალხს. ვისაც ორიოდ გროში მოეპოება, ის კიდევ მიდის ფერშალთან, მაგრამ, ვისაც სიმინდის საყიდელი ფულიც არ გააჩნია, მან რა უნდა ქნას, ეს აშკარაა!.. თუ ვინმე მოიყვანა ფერშალი, სოფელში ხელათ გავარდება ხმა და გზის პირებში ხვდებიან ხოლმე. ავთიმყოფები და ფერშალი ბედნიერათ ჩასთვლის თავს, თუ დაღამებამდი სახლში მიიხწია...

ასეა თუ ისე მდგომარეობა ძალიან კრიტიკულია. რაც აქ ვილაპარაკეთ ჩვენ, თითქმის იგივე შეიძლება ითქვას მთელი გურიის შესახებაც იმ განსხვავებით, რომ ზოგან უარეს შემთხვევებსაც შეხვდება კაცი.

არნერი.

ბ ა თ უ მ ი ს ა მ ბ ა ბ ი

—მდგომარეობა ბათუმის აუტანელი და აუწერელია. ყოველგვარი წარმოება დაცემულია, აღებ-მიცემობა შეფერხებული. გაჭირვება ყველასი აქ ცხადი და ნათელია. დღევანდელი ბათუმი სრულიად არა გავს წინანდელ სამრეწველო ბათუმს: ფაბრიკული წარმოება აქ დაეცა, ვაჭრობა განახევრდა. თითქმის ყველას საერთოთ კრიზისმა თავისი განმანადგურებელი დიდი დააჩინა. აუარებელი მუშები წარმოების გაყინვამ ქუჩაში გამოირეკა, და ულუკმო პუროთ დაყარა. რიცხვი უმუშევართა ყველა პროფესიის ჩვენს კურთხეულ ქალაქში 2000-ს კაცს უდრის. გაჭირვება უმუშევრების აუწერელია. უმუშევართა რიცხვი აქ დღითიდღე მატულობს. ამათ გამრავლებას ხელს უწყობს სოფლების სიღატაკე და სიბერავე. მოუსავლობამ შესაძინევათ დასცა ეკანომიური კეთილდღეობა ჩვენი გლეხობის და აიძულა ისინი უკუ-მგდოთ სოფლები და ქალაქში შემოეფართათ თავი. გაღატაკებული გლეხები მოდიან აქ სამუშაოს საშოვნად, მაგრამ საერთო კრიზისის გამო აქ სამუშაოს ვერ შოულობენ და ქალაქის მუშებთან ერთათ შიმშილისაგან სულს ღევენ.

ამ ბოლო დროს აქ გავრცელდა ხმა—„როტშილდი ზავოდს ხსნისო“, როგორც გავიგეთ ეს ხმა საფუძველს არ უნდა იყვეს მოკლებული. თუ მართლათ „როტშილდმა“ თავისი წარმოება განაახლა, აუცილებლათ ბათუმი დღევანდელ ძილს თავს დააღწევს, და უმუშევართა ბედიც ოდნავ გაუმჯობესდება.

—საზაფხულო კანიკულები დასრულდა; ყველა ადგილობრივმა სასწავლებლებმა განაახლა მეცადინეობა.

აქაიკ გაფანტული მოსწავლე-მასწავლებლები უკვე ჩამოვიდნენ და შეუდგენ ო. ავიანთ მოვალეობის ასრულებას. ბათუმის სასწავლებლებს ამ სამოსწავლო წლიდან მოემატა ორი კერძო საშუალო სასწავლებელი, ერთი შერეული ქალ-ვაჟთა გიმნაზია და მეორე შვიდ-კლასიანი კომერციული გიმნაზია.

— ტოლსტოის იუბილეს დღემ ქ. ბათუმში უმნიშვნელოთ ჩაიარა. არავის ფიქრათაც არ მოსვლია ელდესასწაულა 80 წლის თავი „დიად რუსეთის მოაზრისა“.

— ვერაგულათ მოკლულ ილია ქავჭავაძის წლის თავი მხოლოდ „ბათუმის გოლოს“-ს გაახსენდა. 31 აგვისტოს რედაქციის ინიციატივით გადახდილ იქმნა ბათუმის ძველ სობოროში პარაკლისი ჩვენი მსოფიან პოეტის სულის მოსახსენებლათ. სიმწუხარით უნდა აღვნიშნათ, რომ ჩვენ ბათუმელ საზოგადო მოღვაწეებს ერთი სიტყვიც არ აღვნიშნავთ ი. ქავჭავაძის სიკვდილის წლის თავი.

დღეს 7 სექტემბერს აქ ქალაქის შენობაში ქალაქის თვითმართელობის დავალებით, წაიკითხვენ ხოლერაზე ლექციებს ქართულ და რუსულ ენაზე. ქართულათ ლექციას წაიკითხავს ბათუმელების საყვარელი ექიმი გიგინეიშვილი, რუსულათ პაპისოვი. ვნახოთ რამდენი დაესწრება საზოგადოება.

ი. ბახტაძე.

თვალ საჩინო სწავლება სკოლებში.

დიადი მნიშვნელობა თვალსაჩინო სწავლებისა, ნამეტურ სწავლა-აღზრდის პირველ საფეხურზე, დიდი ხანია აღიარებულია ყველა ცნობილ პედაგოგების მიერ. კონკრეტული სწავლების პრინციპები თანდათან იძენენ და იქერნენ შესაფერის ადგილს, როგორც პირველ-დაწყებით, ის საშუალო და უმაღლეს სასწავლებლებშიაც. ქვემოთ რიტი და ნამდვილი ცოდნა ამა თუ იმ საგნისა უნდა შეიცავდეს არა მარტო სიტყვიერ აღწერას, არამედ კონკრეტულ მასზე წარმოდგენას. თუ ასეთი ცოდნა საჭიროა მოზრდილთათვის, მით უმეტეს საჭიროა იგი ყრმათათვის. თვით მეთოდი თვალ საჩინო სწავლებისა, დამყარებული გარეშე გრძნობათა ორგანოებზე (მსმენელობა, მხედველობა, შეხება), სავსებით აკმაყოფილებს ადამიანის ბუნების მოთხოვნილებას და ჩვეულებრივ სისტემას წარმოადგენათა შედგენისას. „ყოველად შეუძლებელია ადამიანის გონების სავსებით დამყარება, თვინიერ გარეშე გრძნობათაო“, ამბობს, თვალსაჩინო მეთოდის მამათ მთავრათ წოდებული, ი. ა. კომენსკი. „სწავლენე ბავშვს ხუთი მისთვის ჯერ ახალი, გაუცნობელი სიტყვა და იგი დიდხანს იწვალებს მათზე, მაგრამ შეუერთეთ სურათებს, ოცი ამისთანა სიტყვა და იგი მყისვე შთაინერგავს გონებაში ამ სიტყვებს სრული თავისი მნიშვნელობით და შინაარსით“, ამბობს ქ. დ. უშინსკი. საგნების და სხვა და სხვა მოვლენათა გასაცნობლათ აუცილებლათ საჭიროა თვალ საჩინო სახე-

ლმდღვანელონი, ნამეტურ პირველდაწყებით სკოლებში. თვით ხელოვნურს აღწერას არ შეუძლია გასწიოს არამც თუ საგნის მაგივრობა, არამედ თვით ამ საგნის სურათისაც კი. ყოველ რიგთან საფეხურზე დამყარებული სკოლის კურსში შედის ამ ჟამათ პირველ დაწყებითი ცნობანი ისტორიიდან, გეოგრაფიიდან და ბუნების-მეტყველებიდან. ეს ცნობანი აუცილებელ საჭიროებას წარმოადგენენ განმარტებით კითხვის გაკვეთილებზე მოთხრობების გარჩევის დროს. ასეთი შინაარსის მოთხრობები (სტატიები) მოთავსებულია თითქმის ყველა პირველ-დაწყებით სახელმძღვანელო წიგნებში. კითხვა ასეთი მოთხრობებისა, თუ იგი დამყარებული არ იქმნა კონკრეტულ ნიადაგზე, უნაყოფოთ დარჩება და გონიერულის საზრდოს ვერ მიაწოდებს ბავშვებს. სამწუხაროთ თანამედროვე სკოლებში ასეთს აუცილებლად საჭირო თვალ საჩინო სახელმძღვანელოებს უმეტეს შემთხვევაში სრულიად ადგილი არა აქვს. სანამდი სკოლებს შესაფერი და საჭირო თვალსაჩინო სახელმძღვანელოები არ ექნებათ, ისინი ვერ აღასრულებენ ნამდვილ განმანათლებელ დაწესებულებათა როლს და ბევრ განსხვავებას არ წარმოადგენენ იმ სკოლებისაგან, რომელთაც მიზნით მხოლოდ გრამატიკის გახეობრება აქვთ დასახული და არა ყოველ მხრივი კონკრეტული ცოდნათა მიწოდება მოსწავლეთათვის. თვით იმ ვიწრო მიზნის განხორციელებაც, რომელიც დასახული აქვს დღეს სახალხო სკოლას, სწავლება გონიერული და შეგნებული კითხვისა შეუძლებელი ხდება, რადგან სკოლა მოკლებულია კონკრეტულ სისტემას.

მიუხედავად იმისა, რომ აუცილებელი საჭიროება თვალსაჩინო მეთოდისა პირველ დაწყებით სწავლების საქმეში დადასტურებულია 250 წლის წინათ, — პრაქტიკულათ ამ მეთოდმა ვერ მოიხვეჭა შესაფერი ადგილი რუსეთის დღევანდელ სკოლებში. აზრი თვალსაჩინო სახელმძღვანელოთა შემოღების შესახებ პირველ დაწყებით სკოლებში დაიბადა 50-იან წლებში და მოაღწია ჩვენამდის საზოგადო განმანათლებელ ხასიათის სახალხო სკოლების აღორძინებასთან ერთათ 60-იან წლების პედაგოგიურმა ლიტერატურამ უმთავრესი ყურადღება მიაქცია ამ დიად საკითხს და მისი გავლენის ქვეშ კერძო პირთა, თუ საზოგადო დაწესებულებათა ინიციატივით დაარსებული სახალხო სკოლები ამ მხრივ გაცილებით უფრო მოწყობილი იყო, ვიდრე თანამედროვე საერო სკოლები.

სამოციან წლებშივე დაარსდა რამოდენიმე გამოცემული ფირმები, რომელთაც იღვეს თავს მიეწოდებინათ სკოლებისათვის თვალსაჩინო სახელმძღვანელოები. სრულიად რუსეთის სამრეწველო გამოფენაზე 1870 წლებში, პირველათ რუსეთის სკოლის ცხოვრებაში, გამართული იყო განსაკუთრებული პედაგოგიური განყოფილება, რომლის კოლლექციებმა შთაუდგეს საფუძველი პირველ რუსულ პედაგოგიურ მუზეუმს, რომელიც დღესაც მოქმედობს და რომელსაც ეწოდება „Музей военноучебных заведений“.

მაგრამ ოთხმოციან წლებიდან მთავრობა და საზოგადოება აქცევს უმთავრეს ყურადღებას სკოლების რიცხვის გამრავლებას. თვისებით მხარეს ამ განმანათლებელ დაწესებულებათა კი ივიწყებს...

საყოველთაო განათლების გავრცელებისადმი ლტოლვილებამ დაბადა აზრი თვით სკოლის ტიპის შეცვლისა — ელემენტარული სკოლების დაარსებისა **ორ ორი წლის კურსით.**

ვ. ობჩელი.

(შემდეგი იქნება)

დედა.

როგორც აღმოჩნდები.

(წერილები მუშა ხალხის დედებისადმი).

თარგმანი ბერძნულიდან **სვ. კანდ—ისა.*)**

ხელი შეუწყე შენი ბავშვების შრომა მოქმედებისადმი მისწრაფებას.

ჯერ დაუმზადე ბავშვს სათამაშოები და მერე მიყავი ხელი შენს ოჯახურ საქმეებს. მაგრამ შენი ბავშვი არ იცდის თავის სათამაშოებთან. ის თან მოგდევს, მას უნდა სწორეთ ის გააკეთოს ყოველთვის, რასაც შენ აკეთებ, მას უნდა შენთან ერთად გაბერტყოს, გახვეწას, დანაკლისი შეასრულოს, კარტოფილი გაფუტკენას, დანაკლისი შეასრულოს, საქმელი მოამზადოს. შენ კი უჯავრდები: „რა მოუსვენარი ბავშვი, აგერ მშვენიერი ტიკინი და შესანიშნავი საბავშვო სამზარეულო და სათამაშოები აქვს; მაგრამ იმის მაგივრათ, რომ იქ ითამაშოს, დატრიალებს ჩემს ირგვლივ და ხელს მიშლის მუშაობაში.“

რასაკვირველია, ეს არ არის სასიამოვნო, რადგან შენ ბევრი სამუშაო გაქვს; მაგრამ ეს ვნება მხოლოდ უმნიშვნელოა შედარებით იმ ვნებასთან, რომელიც შენს უსიყვარულო მოქცევას მოაქვს ბავშვისათვის. შენ უწყრები, ის ტირის და მაინც არ იცდის თავის დედოფალსთან და რომ შენ ეხლა მას უფრო შეტევით უჯავრდები, ეს კიდევ არ არის ყველაზე უარესი. სავალალო ის არის, რომ შენი ბავშვის შესანიშნავ მისწრაფებას სიცივით და ყინვით ახშობ, იმის მაგივრად რომ მზის სხივებით გააღვივო, ბავშვი არ თამაშობს იმისთვის, რომ ითამაშოს, როგორც შენ ამას ფიქრობ; ბავშვი მუშაობს თამაშობაში, მას უნდა სათამაშოთი ისეთივე გამოსადეგი სამუშაო შეასრულოს, როგორც შენ შენი საოჯახო სამუშაოთი. ყველაზე უფრო ბავშვი სწავლობს მაგალითით. ბავშვი ხედავს შენ საქმიანობას — მოქმედებას, მასაც უნდა უმაღლე იგივე გააკეთოს, როგორც შენ; ის ინსტიტუტურათ გრძნობს. რომ ეს სამუშაო საუკეთესო და თანაც გამოსადეგია. ამისათვის ასეთ სურვილს და მისწრაფებას ნუ დაუწმობ შენი უსიყვარულობით, პირიქით ხელი შეუწყე ბავშვის შრომისადმი მისწრაფებას. მიეცი შენი სამი წლის ქალიშვილს მჩვარი და ასწავლე გაწმინდოს სკამი. აბა, მაშინ უცქირე შენი ბავშვის მონდომებულ სახეს და აი, ბავშვის ასეთი ბეჯითობა-საქმიანობა, რაც ნათლათ გამოკრთის ბავშვის მიხვრა — მოხვრასა და გამომეტყველებაში, ასე თუ არ ამხიარულებს შენ გულს, მაშინ შენ არ ყოფილობარ წმინდელი დედა. ჩვენ, სოციალ-დემოკრატები „შრომაში“

რალაც სიდიადეს და მშვენიერებას ვხედავთ. ის საზოგადოების შემნახველი ბურჯია. ჩვენი მიზანია ის არის, რომ იგი მშვენიერ და კეთილშობილ სანახაობათ ვაქციოთ. თუ შენი ბავშვის შრომისადმი მისწრაფებას ყურადღებით მოექცევი, შენც შეგბძლია შენი წვლილი შეიტანო ამ საქმეში. მაგრამ ეს ყურადღება ბურჯუზიულ მნიშვნელობით კი არ უნდა გაიგო. შენი შვილი შრომის მონათ კი არ უნდა აღზარდო, არა! საქმეს უნდა შეხედო სოციალისტურ თვალსაზრისით რომ შრომაში განუვითარო შენს ბავშვს შესაფერი სული და ზნეობრივი სათნოებანი.

აი, მაგალითად, აგრე მოიქცა გერმანელი ქალი პეტალოცი გერტრუდა. ის ამუშავებდა და აქსოვინებდა ბავშვებს, მაგრამ სულიერათ კი არ სჩაგრავდა მათ. თვითონაც იჯდა მათთან, ეხმარებოდა და თანაც ესაუბრებოდა. ის ბავშვებს მშვენიერი ამხანაგია და ბავშვებიც გაბრწყინებული თვალებით შესცქერაინ მას.

ჭენრის შულცე.

(შემდეგი იქნება).

წერილები რედაქციის მიმართ.

„ჩვენი კვლის“ მე-15 №-ში უკანასკნელ გვერდზე ვწერა: „ნუ თუ ბ-ნი გაცირობე, რომელსაც პატივს სცემს საზოგადოება, ხელს უწყობს ასეთ ვაებატანებს ხალხი ატყუილონ?“

ამ სიტყვებში ჩვენ ვიგულისხმებდით სახალხო თეატრების სცენის მოყვარეს ბ-ნ. გაცირობეს. ეხლა, სიამოვნებით უნდა შევნიშნათ, რომ ჩვენ მიერ აღნიშნული „გაცირობე“ სრულებით არ ყოფილა ბ. ნ. გაცირობე. ჩვენ შეცდომაში შეგვიყვანა იმ გარემოებამ, რომ წარმოდგენის ინიციატორთ ბ-ნ გაცირობის სახელი არ აღენიშნათ აფიშაში. ჩვენ სიამოვნებით ვასწორებთ ამ შეცდომას.

პარნასი.

შეცდომის გასწორება.

წინა №-ის „ზა-და-გზა“-ში კორექტურულ შეცდომით დაბეჭდილია მეორე სვეტი: „მეტათ ბაძლიერებდა და შეაფერხებდა საზოგადოებრივ ცხოვრებას“. უნდა იყოს: „გააძლიერებდა და შეაფერხებდა და სხ.“ მესამე სვეტი: „სოციალდემოკრატს არ შეჰფერის ასეთი განმარტოვებული მსჯელობა“. უნდა იყოს: „სოციალდემოკრატს არ შეჰფერის ასეთი განმარტოვებული მსჯელობა“.

რედაქტორ-გამომცემელი **ანთ. გიორგობიანი.**

გ ა ნ ც ხ ა ღ ე ბ ა ნ ი.

ახალი გამოცემანი

იაკოვ გოგებაშვილის სახელმძღვანელოები.

დედა-ენა, ნაწილი მეორე, ოცდა- მესამე გამოცემა წერეთლის საზოგადოებისა. ჩამატებული აქვს ექვსი გვერდი ახლის საწერი დედნისა და თორმეტი, ნოტებზე გადაღებული, სახალხო სიმღერა: კახური, ქართლული, იმერული, გურული, მეგრული, სვანური. ფასი იგივეა.

დედა-ენა, ნიწილი პირველი, გამოცემა ოცდა-მეოთხე, დაბეჭდილია ახლად ჩამოსხმული ასოებით, იპყრობს სამს გვერდს მსხვილის ხელის დედნისას. ფასი იგივეა.

რუსსკოე სლოვო, ნაწილი პირველი, მეთექვსმეტე გამოცემა, იპყრობს ახალს პეტერბურგში დამზადებულს ნიმუშებს რუსულის პირდაპირის წერისას. ფასი იგივეა.

რვეულები, პირდაპირი რუსული წერისა, საუკეთესო ქალაქებზე დაბეჭდილი, იყიდება წერა-კითხვის საზოგადოებაში და ბრიტუროვთან. ფასი სამი კაპეიკი.

*) იხ. „ჩვენი კვლი“ № 13.